

বিশ্রাম ।

Est'd - 1856

Krishna Public Library

Acc No ২৫ ২২১

Date ০৫.০৫.২০০৫

শ্রীরজনীকান্ত সেন

প্রণীত ।

Second Edition.

২৫.২২২

৫.৫.২০০৬

Calcutta :


S. K. LAHIRI & CO.

56, COLLEGE STREET.

1913

মূল্য ছয় আনা ।

PRINTED AT THE COTTON PRESS BY JYOTISH CHANDRA GHOSH
57, HARRISON ROAD, CALCUTTA.



সূচী

বিষয় ।

পৃষ্ঠা ।


কৌতুক ।

| | | |
|-----------------------------------|-----|----|
| একটি জিনিষ এলোনা ভাই দেখে গণ্ডগোল | ... | ১ |
| স্বর্গের খবর | ... | ৫ |
| মিউনিসিপাল ইলেক্সন | ... | ৮ |
| কেরানী জীবন | ... | ১৪ |
| আমাদের দেশ | ... | ২৪ |
| ব্রাহ্মণ পণ্ডিত বিদায় | ... | ২৬ |
| ভারতের ভবিষ্যৎ সমস্যা | ... | ২৮ |
| সরকারী ওকালতীর আকর্ষণ | ... | ৩৩ |
| Physiognomy | ... | ৩৯ |


পরিণয় মঙ্গল

| | | |
|--|-----|----|
| এ নিখিল রচনার প্রথম প্রভাতে | ... | ৪৫ |
| হেথা, স্থল আসি মিশে স্থলে, অণু মিশে অণতে | ... | ৪৮ |
| নিম্মল মধুর নিশীথিনী | ... | ৫০ |
| শৈশবের মোহ অন্ধকার | ... | ৫৪ |
| যাও মা নূতন দেশে | ... | ৫৭ |
| না, কষ্ট ক'রে মানুষ ক'রে | ... | ৫৯ |
| দ্বিধা আলোকে ভরিয়া হৃদয় | ... | ৬৩ |

| বিষয় । | পৃষ্ঠা । |
|---|----------|
| কোমল শিরীষ কুসুমের মত | ৬৫ |
| যে মহাশক্তির বলে | ৬৭ |
| যাঁহার কটাক্ষে এই বিশ্বের উৎপত্তি স্থিতি | ৭২ |
| আনন্দের দিনে আজ | ৭৫ |
| আয় মা ঘরের লক্ষ্মি | ৭৮ |
| বিয়ে ক'রে দাদা আনিবে তোমারে | ৮০ |
| আয়গো লক্ষ্মি আনন্দরূপিণি | ৮২ |
| তোমার বিয়ে সবাই বলে শুনি | - |



কৌতুক ।



একটি জিনিষ এলনা ভাই দেখে গগুগোল ।

পূজোএল, তারি সঙ্গে সবই এল আবার,
পেঁচা, ময়ূর, সিংহ, ইঁহর, বাঁড়টা এল বাবার ।
হাতীমুখো গণেশ এল, টেড়িকাটা কুমার,
লক্ষ্মী সরস্বতী এল ডাইনে বাঁয়ে উমার ।
দশহাতে দশ অস্ত্র এল, সাপ এল আর অশুর,
(মালাকার আর কুমোর ভায়ার ওস্তাদির নাই কসুর),
পুষ্পবিষপত্র এল, কাঁসর, ধন্টা, শাঁখ,
ঢোল এল আর সানাই এল, মস্ত মস্ত ঢাক ।
ধূপধুনো নৈবেদ্য এল, এল হলুদধনি,
গবীর লোকের এল পাঁঠা, মোষ আন্লেন ধনী ।
লোকারণ্য সঙ্গে নিয়ে এল হট্টরোল,
কেবল একটি জিনিষ এল না ভাই দেখে গগুগোল ।

অশুদ্ধ চণ্ডীপাঠ এল, এল মূর্খ পূজক,
পুরুত সঙ্গে টিকি এল, বিগুচ্ছাচার সূচক ।
বেশমী নামাবলী এল নিষ্ঠাবত্তার সাক্ষী,
“ইদং ধূপ”, এবম্প্রকার এল শুদ্ধ বাক্য ।

বিশ্রাম

কলসী, বাটি, থালা এল, পুরোহিতের প্রাপ্য,
যজ্ঞমানের বাপাস্ত এল, ছিল বেটা যাপ্য।
ধোলাই করা পৈতে এল, গঙ্গামাটির ফোঁটা,
'কারণ' ক'ত্তে whisky এল, আর ক' বোতল সোডা।
ব্রাহ্মণদের ফলার এল, বিধবাদের উপোস,
পকেট কাটার কাঁচি এল, বদমাইসের মুখোসু।
শান্তের এল বাঁয়া তব্লা, বৈরাগীদের খোল,
কেবল একটি জিনিষ এল না ভাই দেখে গণ্ডগোল।

কর্তার এল আকাশভাঙ্গা জলের মত খরচ,
(কতক প্রজার খরচা আদায়, কতক খতে করজ),
আর এল ডসনের জুতো, ল্যাভেণ্ডার আর আতর,
ঢাকাই ফরাসভাঙ্গা ধুতি শান্তিপুরে চাদর।
Greenseal, lemonade, ginger এল ডজন কুড়ি,
Cake, biscuit, Burma cigar এল ছ'দশ ঝুড়ি।
তারি সঙ্গে এল বাবুর বাবুর্চি 'রমজান',
আগে চ'লত beefটা বেশী, ইদানীং কম থান।
প্রাণেতে এয়ারকি এল, বাইরে এল চটক,
তোয়াজ কত্তে মদের এয়ার, এল বিপুল কটক।
তাদের মুখে এল, 'মাইরি', 'যাহু', 'আম'রে যাই' বোল,
কেবল একটি জিনিষ এল না ভাই দেখে গণ্ডগোল।

ছেলেদের সব পোষাক এল চক্ৰকে তার রং,
কারো গায়ে লাগল ভাল, কারো জবড়জং।
খেলনা, বাঁশী, চিনের পুতুল, কলের রেলের গাড়ী,
মেয়েদের সব সেমিজ জ্যাকেট, এল পার্শী সাড়ি।
সার্ট কোট, আর দু'তিন ডজন এল silkএর মোজাই,
ষ্ট্রলের বাটি, কাঁচের গেলাস এল বাক্স বোঝাই।
চুড়ি এল, সাবান এল, এল কুস্তলীন,
কেশরঞ্জন, জবাকুসুম, এল কেরোসিন।
বুদ্ধের এল চুলের কলপ, যুবর এল অটো,
ছুটিহীন কেরাণীর গিন্নির কাছে এল ফটো।
প্রাণের প্রেমটা থাক্ বা না থাক্ বাইরে এল 'কোল',
কেবল একটি জিনিষ এল না ভাই দেখে গণ্ডগোল।

‘সাপ্তাহিকের’ এল মজার সস্তা উপহার,
সিকি মূল্যের বিজ্ঞাপন এল দশ হাজার।
ষ্ট্রমার রেল যাতায়াতের এল অর্ধ ভাড়া,
মরণ এল তাঁদের, গিন্নির গয়না নেন্নি যারা।
গয়না, কাপড়, ঔষধ আদির এল heavy bill,
সম্বৎসরের নিকেশ এল, এল তহবিল নিল।
দোকানদারের নূতন চালান, এল বস্তা বস্তা,
(তার) অধিকাংশই বাইরে সোণা, ভিতরে নিরেট দস্তা

বিশ্রাম।

বিরহ আর মিলন এল, এল হাসি কান্না,
বার্ষিক নিতে গুরু এলেন, স্বপাক ভিন্ন খান্ না।
যাত্রা, খেমটা, ঢপ এল, আর এল কবির ঢোল,
কেবল একটি জিনিষ * এল না ভাই দেখে গণ্ডগোল

ভক্তি।

স্বর্গের খবর ।

আমাদের, স্বর্গের সহযোগিনী, 'দেবলোক হিতৈষিনী'র,
গত সপ্তাহের ইস্ত প'ড়ে,
জানা গেল খবর মন্দ, কাগজটা বুঝি হয় বন্ধ,
বড় বিপদ দেবের ঘরে ঘরে ।

তাদের পুরাতন সংবাদদাতা, সুযোগ্য নারদ ভ্রাতা,
মারা গেছেন তিন দিনের অরে,
তার, সম্পাদক গনেশ ঠাকুর, হেঁটে যেতে কৈলাসপুর,
পা ভেঙেছেন হোঁচট খেয়ে প'ড়ে ।

কার্তিকের বড় ছেলেটি, সার্কাসে কাজ করেন যেটি,
লাঞ্ছক ছেলে বড় রোজগেরে,
তুংখের সংবাদ বটে, গিয়েছে তার মাথা ফেটে,
হোরাইজন্ট্যাল বার থেকে প'ড়ে ।

আ গুনে পুড়েছেন ব্রহ্মা, দালান চাপায় বিশ্বকর্মা,
বরুণ সে দিন জলে ডুবে মরে,
আর, যম রাজা মহিষের সঙ্গে, অচিরে ফুঁকেছেন সঙ্গে,
পবন ঠাকুর মারা গেছেন ঝড়ে ।

ইন্দ্রের বড় বিষম হানি, সব চোখে পড়েছে ছানি,
অশ্বিনীকুমার দেছেন অস্ত্র করে,
আর, প'ড়ে প'ড়ে রাত্রি জাগি, সরস্বতী দেবীর নাকি,
বড়ই বেজায় মাথা ঘোরে ।

বিশ্রাম।

কেউ বোঝেনা নারীর ব্যথা, অহল্যা আর ইন্দ্রের কথা,
শচীর কাশে দিয়েছে কোন্ চরে !

শুনে বল্লেন, 'উহ উহ', হিষ্টিরিক্ ফিট্ মুহমুহ,
তুলেছেন সব মহাব্যস্ত ক'রে ।

ধনস্তুরী ডাক্তার, দেশে দেশে ডাক তাঁর,
হাত যশে ভুবন ছিল ভ'রে,

বহুদর্শী লোকটা মস্ত, হ'য়ে দুই তিন দাস্ত,
পটোল তুলেছেন চির তরে ।

ভার হয়েছে স্বর্গে টেকা, বিউবনিক প্লেগ দে'ছে দেখা,
আগে এসে মৃত্যুঞ্জয়ে ধরে,

হয়েছে কিছু কঠিন শোকটা, বহুকালের পুরাণে লোকটা,
মারা গেছেন চব্বিশ ঘণ্টার পরে ।

পড়েছে কি দুঃখের দশা, সর্পাঘাতে মা মনসা,
ম'রে আছেন নিজের শয়ন ঘরে,

হয়েছে কি সর্বনাশই. বসন্তে শীতলা মাসী,
মারা গেছেন বুধবারের ভোরে .

এ দিকে বিপদ ভারি, ডাকাতি কুবেরের বাড়ী,
তদন্তের ভার কার্তিকের উপরে,

ডাকাতির কিনারা হয় না, দিকপালেরা মাইনে পায় না,
কখন যেন তারাও চাকরী ছাড়ে ।

বিশ্রাম

অন্নপূর্ণা রাখতে গিয়ে, ফেলেছেন হাত পা পুড়িয়ে,
চাল নাকি বেড়েছে লক্ষ্মীর ঘরে,
আর চিত্রগুপ্ত দিতে নিকেশ, হয়েছে তাঁর দফা নিকেশ,
মবলগ টাকায় ঠেকেছেন এবারে ।
হ'য়ে গেছে ছারখার, বেড়ে ধুধু পরিষ্কার,
উর্ধ্বশীঘ্রের পাড়ায় আগুণ ধ'রে,
তার গহনার বাক্স বেজায় ভারি, বের কত্তে তাড়াতাড়ি,
সামনের দু'টো দাঁত ভেঙ্গেছে প'ড়ে ।
ঋনলোকের গেছে দস্ত, মুহমুহ ভূমিকম্প,
বৈকুণ্ঠ পর্য্যন্ত উঠছে ন'ড়ে,
বিষ্ণু নিয়ে লক্ষ্মী বাণী, তুলে টিনের ঘর হ'খানি,
বাস কচ্ছেন দালান কোঠা ছেড়ে ।
আর, গনেশের ঐ মূষিক বেটা, ঘটিয়েছে বড় বিষম লেঠা,
বাণীর রীডিং রুমে রাত্রে প্রবেশ ক'রে,
তাঁর, Comparative Philologyর Manuscriptএর
ভেতর বাহির,
কেটে দিয়েছে টুকরো টুকরো ক'রে ।
আর, ঐ শিবের সর্ব্বনেশে ষাঁড়, এগোয় কে সম্মুখে তার ?
টুকে নন্দন কাননের ভিতরে,
কুঞ্জ করেছে চুরমার, বংশ নাই আর শাকপাতার,
পারিজাতের দফা দিয়েছে সেরে ।

মিউনিসিপাল ইলেক্‌সন্

(১)

কালীপ্রসাদ দত্ত, ভারী বিচক্ষণ এম, এ,
ছুটেছেন রোদে, গেছেন বিলক্ষণ বেমে।
বপুখানি চৌহারা, (আর) জবরজঙ্গ চেহারা,
ছুটেতে ছুটেতে কাপড় গেছে নাভির নীচে নেমে।
কাছা গিয়েছে খুলে, পা গিয়েছে ফুলে,
হাঁপ ছাড়বার অবকাশ নাই একটু খানি থেমে।

(২)

উজ্জ্বলপে ছুটেতে থাকুন কালীপ্রসাদ দত্ত,
এই ফাঁকে নেয়া যাক তাঁর একটুখানি তত্ত্ব।
তিনি একজন বি, এল, ও আইনটা হাতের তেলো,
(যদিও তাতে আমাদের কি বেশী এল গেল),
কারণ নাই তাঁর পসার, আর বাজার যেমন কসার,
শেষ থাকতনা দত্তর পো'র লাঞ্ছনা দুর্দশার,
যদি না পেতেন সাহায্য তাঁর দয়াল স্বপ্তর মশা'র।

(৩)

এই পরিচয়ের অন্তর্গত যে কালীপ্রসাদ দত্ত,
তিনি চলেছেন—যেন এক ঐরাবত মত্ত,
পায়ে বিলিতি বিনামা, গায়ে বেড়ে একটি জামা,
নিজের উপার্জনের ? না, না ! স্বপ্নের প্রদত্ত ।
আর এই দ্রুত গতিশীল জীবের,—নিঃসন্দ,
যদি শুঁ কুতে পেতেন বদন, ধুব পেতেন মদের গন্ধ ।

(৪)

Municipal election এর meeting হবে কল্যা,
এই আর কি দত্তের পোকে কি এক ভূতে ধরলো
‘ক্যান্‌ভাসিং’এ পটু, ভারী দত্তের বটু,
কারুকে বলেন বাপু সোনা, কারুকে বলেন কটু ।
আজ করিমবক্স হাজীর, বাড়ী গিয়ে হাজির,
তার বড় চাচা ছিল নাকি জজের নায়েব নাজির,
আর সে নিজে হচ্ছে সম্বন্ধী হেমাভুলা কাজীর ।

(৫)

ক’রে গুরুতর ভোজন, কেবল কচ্ছিলেন হাই মোচন,
নল একটা মুখে দিয়ে দীর্ঘ ছ’তিন যোজন,
আর পাখা নিয়ে ভুঁড়িতে হাজী কচ্ছিলেন ব্যজন ।

বিশ্রাম ।

ধরা কাঁপাতে কাঁপাতে, আর হাঁপাতে হাঁপাতে
(হোঁচোট খেয়ে বড্ড ব্যথা লেগেছে বাঁ পা'তে ;
প্রবেশিলেন দত্তনন্দন যেন এক “হাবাতে” ।

(৬)

হঠাৎ গৃহমধ্যে বুঝে দত্তজীর সন্না,
চমকে উঠে বলে হাজী, “একি বাবুজী, কত্তা,
আদাব ! ব্যাপারটা কি ? থেপে উঠলেন নাকি ?
পায়ে মণটেক ধুলো, আর এই ছপ্পুরে রোদ,
এমন সময় হাজির স্বয়ং হজরত খোদ ।”
দিয়ে প্রতিসেলান, দত্ত বলেন, “গেলাম,
(হায়) মিউনিসিপালিটির বন্দোবস্তে কতই হোঁচোট খেলাম ।
বাপ্পরে কি রাস্তা, একেবারে নাস্তা-
নাবুদ হ'য়ে গেছি এমনি পচা সড়ক,
ঝাঁ ঝাঁ ক'রে ঘুরছে নাথা, উঠেছি যেন চড়ক” ।

(৭)

ক্রমে হাঁপছেড়ে, আসল কথা পেড়ে,
(আগে) বলেন, “হাজি সাহেব, আপনার দাড়িটি বেড়ে,”
আর যদিও পেয়েছি খবর, হাজী বেজাই জবর
কালো, কিন্তু দত্ত তখন দেখেন চসমা দিয়ে,
নিভাজ ছুধে আলতা, কালো রংটা কেটে গিয়ে ।

(৮)

(তারপর) বেশ ধীরে ধীরে, ওস্তাদি ফিকিরে,
আপন উদ্দেশ্য দিলেন বুঝিয়ে হাজীরে ।
অর্থাৎ এই ত কথা মোট, যে ক'রে সবাই জোট,
দন্তজীর কমিসনারীতে দিতে হচ্ছে ভোট ।
হাজী একটু বল্লই, একটু চেষ্টা কল্লই,
হয়ে যাবে,—এই দশমুদ্রা হাজীর জল খেতে ;
(হাজী) হাশমুখে চাক্তি ক'টি নিলেন হাত পেতে ।

(৯)

তখন হেসে বলেন হাজী, “বাবু, আমি ত খুব রাজি,
আপনার লাগি ভোট সংগ্রহে বেরোবো আমি আজই,
করবেন নাক' চিন্তে, আনায় পারেননি চিন্তে,
আরে খোদাতালা, আপনার সাথে কার পালা ?
দেখবেন কাল সভাতে কি কাণ্ড করেন আলা,
আর ডপুর রোদে বাড়ী বাড়ী করবেন নাক হুলা ।”

(১০)

যদিও শুনে হাজীর কথা কতকটা কমল পায়ের ব্যথা,
দন্তনন্দন, হলেন না নিঃসন্দ সর্বথা ।
ওখানে থেকে উঠে পাড়ার সকল বাড়ী খুঁটে,
পারে খুলো গায়ে ঘর্ষ বেড়ান দ্রুত ছুটে ।

(১১)

তিলি পুত্র নকরা, আর হাড়ীর নন্দন গোবরা,
পুলিন ঘোষ, আর মিছু তাঁতী, নদেরচাঁদ কুমোর,
জরচন্দ্র সাহা, আর কলুপুত্র উমোর,
বড়বিগু চাঁমার, আর বড়লাল কামার,
আরো কত আছে তত মনে নাইক আমার ।

(১২)

বাড়ী বাড়ী গিরে, দত্ত প্রবোধিরে,
আরো তাদের দেন আপন উদ্দেশ্য বুঝিয়ে,
পরে বলেন, “কাল্কে হবে মস্ত একটা সভা,
গিরে, ‘আমরা দত্তজিকে চাই’ এই কথাটি কবা ;
তোমাদের পাড়ায় যে সব পথ আছে নেহাৎ বদ,
নূতন ক’রে বাধিয়ে দেবো পুরাণ করে রদ ।
পুকুর কেটে দেবো আর দিয়ে দেবো কুয়ো,
আর পাইখানাতে থাক্বে নাক একটুখানি—য়ো ।”

(১৩)

পরদিন হ’ল সভা, কি কব তার শোভা,
পুঁথি বাড়ে, পাঠক ম’শার সঙ্গে করি রফা,

নানা রকম মানুষ আর নানারকম জাতি,
নানা রকম কাপড় চোপড় নানা রকম ছাতি,
নানা রকম মাথা আর নানা রকম কথা,
নানা রকম গাঙগোল ; এই সকলের সমষ্টি,
অর্থাৎ যোগফলে, হ'ল সে মহতী সভার সৃষ্টি ।

(১৪)

এক কোনে হাজী সাহেব ব'সে তামাক খাচ্ছেন।
আর উৎকণ্ঠিত দত্ত প্রভুর বদন পানে চাচ্ছেন ।
অর্নান একমুখে সবাই বলে, “হাজী সাহেবকে চাই,”
দত্তপুত্রের নাম গন্ধ কারও মুখে নাই ।
শুনেত দত্তজি, ভাবেন প্রাণ ত্যজি ;
“মজালেরে ব্যাটা আজি, নিশাসঘাতক, নছার !
আর নয়—কি সন্দেহ ! পালাই নীলগির পথ ছাড় ।”

(১৫)

হাজী বলেন, “কোথা যান, আরে শুভন দত্ত মশাই,
আপনার মত বুদ্ধিমানের এমনিতির দশাই ।”
দত্ত বলেন, “হাজি, তুমি অতি পাজি,
টাকা দশটা না দিলে প্রাণটা বাবে আজই ।”
ঘুষাঘুষির আকার দেখে প'ড়ে মাঝামাঝি,
সবাই দেয় থামিয়ে, দত্তকে দেয় নামিয়ে,
সিঁড়ি দিয়ে এই মাত্র খবর পেলাম আমি এ ।

কেরাণী-জীবন

টাকাটি ভাঙ্গালে, ছ'দণ্ডের বেণী

পয়সা বাক্সে থাকে না ;

মাসের দোসরা, মুদি ও কাপুড়ে

আপুলাটি বাকি রাখে না ।

সপ্তাহ গত না হ'তেই, যায়

মাইনেটি সোজা উড়িয়া ;

আর চিং হাত কেহ উপুড় করে না,

মরি যদি মাথা গুঁড়িয়া ।

আর ক'টা দিন মাসের যা থাকে

চালাইতে হয় বাকিতে ;

ছনিয়ার মধু-ক্রকুটি দেখিয়া।

জল আসে পোড়া আঁখিতে

এ মাসে গোয়লা শোধ হ'ল নাকো

দিব এই মাস কাবারে,

গোয়লা বলিছে, “তা কি হয়, বাবু ?

অত দেয়ী, ওরে বাবারে !”

কলু বলে, “বাবু, তেলের দামটা
চুকাইয়া দিলে হয় না ?”
শ্রাকরা বলিছে, “টাকা নাই, তবে
কেন মাগ্‌ চায় গয়না ?”
উদ্ধ-সপ্তপুরুষের মুখে
দিয়া নানাবিধ খাত্ত,
সেই ক’রে যায় পিতৃলোকের
বিবিধ মাসিক শ্রাদ্ধ ।

জ্যেষ্ঠপুত্র বাকী ক’রে কার
মেঠাই খেয়েছে লুকিয়ে ;
ওঠে না সে তার সাড়ে তের আনা
তখনি না দিলে চুকিয়ে ।
আজ্কে নেহাং নাচার ভায়া হে
হস্ত নেহাং রিক্ত ;
সে বলে, “মেঠাই খেতে বেশ লাগে
দাম দেওয়াটাই তিক্ত ।”

খোকার জ্বর, সে বালি খায় না,
ওষুধ খায় না খুকীটে,
নারিয়া ধরিয়া খাওয়াইতে হবে
আমারি ঘাড়ে সে ঝুঁকিটে ।

বিশ্রাম :

খেটে খুটে এসে মনে মনে ভাবি
আজকে বড্ড রাগবো ;
রেতে ছ'টো খেয়ে চক্ষু মুদেছি,
খোকা বলে “বাবা —বো” ।

এটা ঘুমাইলে ওটা জেগে বসে,
অকারণে জোড়ে কান্না ;
তবু তাহাদের শাসনের হেতু
গিন্নি খুঁজিয়া পান্ না ।
বড় ছেলেটি ত প্রায়শঃ আসেন
ইস্কুল থেকে পালিয়ে ;
টেরিও কাটেন, সিগারেটও খান
বাপের হাড়টি জ্বালিয়ে ।

ধষ্ঠ শ্রেণীতে পেয়েছেন তিনি
কায়েমী নোরসী পাট্টা ;
আমার শাসন, শিক্ষকের গালি,
সকলই তাঁহার ঠাট্টা ।
নেহাং নাচার হইয়া, চড়টা
দিলে, কি কানটা মলিলে ;
“অহো কি নিচুর” বলিয়া গিন্নি
ভাসেন নয়ন সলিলে ।

মাতৃস্নেহের মাত্রা যেদিন
বেড়ে উঠে অতিরিক্ত ;
আখিজলে আমি ভিজি বা না ভিজি
উপাধান হয় সিক্ত ।
হটাৎ যে দিন অভিমান উঠে
বোষের মূর্তি ধরিয়া ;
ভীম উন্মিমাণে উথলে
নয়নসলিল দরিয়া ।

বিদ্যাংবেগে নুখের সামনে
নাড়িয়া কোমল হস্ত ;
বলেন “আ মরি বিদ্যায় তুমি
নিজেও পণ্ডিত মস্ত !
তোমা'রি ত ছেলে, গাধার পুত্র
বৃহস্পতি হবে না কি গো,
তোমার বাপকে ফাঁকি দিয়েছিলে
ও দেয় তোমা'রে ফাঁকি গো ।”

বাসার ভাড়াটি ছমাসের বাকি,
জমিদার অসহিষ্ণু ;
তাগাদা করিছে ছবেলা, বলিনে
গঙ্গা, রাম কি বিষ্ণু ।

বিশ্রাম ।

সন্ধ্যায় ফিরি কাছারী হইতে

খুলি কাছারীর পোষাক ;

বাইরে আসিয়ে দেখি ব'সে আছে

চুনি লাল দেব বসাক ।

তামাকটি সেজে কুড়ুং ফুড়ুং

টানি আর জুড়ি গল্প,

দিবসের সেই শুভ মুহূর্ত

বেচে থাক কোটি কল্প ।

কাছারীতে খাই নাহেবের গালি

বাড়ীতে গিনি খাপ্পা ;

(এই) উভয় সঙ্কট মাঝে আছে এক

পরম বন্ধু ডাকবা ।

অন্দর হ'তে মেয়ে এনে দেয়

তেল ছুন মুড়ি লঙ্কা ;

বলি “দেব ভায়া, কলেরার দিনে

লুচি খেতে হয় শঙ্কা ।

নইলে আমার ঘরে করা লুচি

রোজ হয় জলখাবার ;

হিসেবী গিনি খাইয়ে খাইয়ে

করে দিলে সব কাবার ।

থাবার কষ্ট বুঝলে ভায়া হে,

সহ হয় না মোটেই,

(আর) নেহাং পক্ষে রোজ ছ'টো টাকা

উপরি,—বুঝলে ? জোটেই ।”

“দেব্ বাবুদের পান এনে দাও

যাও ত লক্ষ্মী ভেতরে ;”

বলিয়া মেয়েকে পাঠাই, গিনি

বলেন, “পাঠালে কে তোরে ?

সাত দিন হ'ল এনে দিবেছিল

এক পয়সার শুপুরি,

বাইরে বসিয়া নবাবী হচ্ছে

রোজ ছ'টো টাকা উপুরি ।

বল্গে মায়ের হাত জোড়া আছে

পান ত দেবার ঘো নেই ;”

শুন্তে পেয়েও কিছু শুনিবে

চেপে রাখি মনে মনেই ।

দূর দেশাগত বাল্যবন্ধু

যদি কেহ আসে বাসাতে ;

কিছু না শুনিয়া সে অনৃতবানী

পারে না সে কভু পাশাতে ।

বিশ্রাম ।

উচ্চকণ্ঠে বলেন গিন্নি

“মরণ আর কি আমার ;
ধানের গোলা যে দিয়েছ বাড়ীতে
প্রচুর জ্বোত ও খামার ।

যত রাজ্যের ভবনূরে এসে

জ্বোটে গো তোমার বাসায় ;
অন্নসত্ত্ব খুলে বসে আছি
স্বর্গে বাবার আশায় ।”

শুনে ত বন্ধু এক বেলা থেকে

ও বেলা থাকিতে চান্না ;
“বাঁড়ের মতন চোঁচি ওনা” যেই
বলেছি, অমনি কান্না ।

“মা গো বাবা গো দেখে যাও” ব’লে

নটান মেজেতে লম্বা ;
সে বেতের মত হয়ে গেল ঐ
আহার অষ্টরম্বা ।

মেজাজ বিগড়ে না গেলে অবশ্য

তিনিই ছ’বেলা রাঁধেন ;
(আর) ‘রাঁধতে রাঁধতে হাড় জলে গেল’
ব’লে মাঝে মাঝে কাঁদেন ।

‘তোমাদের তবু মাঝে মাঝে আছে

পরবে পরবে ছুটিটে ;

আমার কামাই এক বেল। নাই

কারো ভাত কারো ঝুটিটে ।

* * * * *

যদি বা অনেক সাধ্য সাধনে

ঘুমায় সখের সেনানী ;

স্বপ্ন হয় সেই করুণ-কঠোর,

গিন্নীর ভ্যান্‌ভ্যানানি ।

যদিও সংসার থেকে নিতে হয়

সুখ ও দুঃখের বগ্‌রা ;

তবু, হা কপাল, ঘুমাউয়া পড়ি

জবাব দিলেই ঝগুড়া ।

জেগে দেখি, আমি ঘুমিয়ে রয়েছি,

এত কলরবে জাগিনি ;

এখনো বাজিছে জলতরঙ্গ

নাসিকায়,—খট রাগিনী ।

“কতদিন হ’ল দিতে চেয়েছিলে

একটা ইহুদী মাকুড়ী ;

কতই বা দাম, তাওতো হ’ল না,

হায় রে সখের চাকরী !”

বিশ্রাম ।

* * * * *

ছেলেগুলো সব স্নানামধন্য

“মুণ্কে রবুর বাচ্চা,

ভাল ভাত লুচি রুটি তরকারি

যত দাও তাই, “আচ্ছা।”

দিনে বেতে হয় ভোজন তাঁদের

গড়ে অন্ততঃ চারবার ;

এই কারবারে জের বার ক’রে

ফিকির ক’রেছে মারবার ।

হাতে পায়ে কিছু ছোট বড়, কিন্তু

উদর-গহ্বরে সমতা ;

গরীব নাচার বাবা ন’লে, নাই

ভোজনের বেলা মমতা ।

পুত্রগণের ঔদরিকতা

পিতার জীবনচরিতে.

যদিও একটু কেমন দেখায়,

লিখিতে কিম্বা পড়িতে ।

কিন্তু তোমরা এতটা পড়িয়া

বুঝিতে পারনি পাঠক,

(যে) এখন আমার থাকিবার স্থান

সটান পাগ্লা ফাটক ?

বিশ্রাম ।

খুঁজুর কিস্বা ভগিনীর পতি

কেহ নাই মোর আপিসে ;

নিজের কিস্বা পিতার ঞ্চালক,

না খুঁড়ো, না জ্যাঠা, না পিসে ।

স্বতরাং আর motion দিবে কে ?

inertiar law জানো ?

(আর) নিজেরো একটু tact থাকা চাই

ক'ন্তুনিচয় ভজানো ।

নতুবা যেখানে আছ, ব'য়ে গেলে,—

পাহাড় কিস্বা বৃক্ষ ;

চরণের নীচে সব মাটি, আর

উপরে অন্তরীক্ষ ।

এত গিরি তুমি চূর্ণ করেছ,

“কেরানীগিরি”টে রাখিবে ?

হে বিধি, তোমার শক্তির সুষ্মে,

কলঙ্কের কালী রাখিবে ?

আমাদের দেশ ।

বুকের পাশে বাহুগুটিয়ে ঝাঁকড়া চুলটি নেড়ে,
কড়নড়িয়ে দন্তপাতি আর মালকোচ্চা মেরে ;
কিষণ সিং তো মাল্লে তিনটে তের গজি লম্ফ,
ব্যাপার শক্ত দেখে হ'ল সবারি হ্রংকম্প ।
কিষণ বলে, “কাহাইয়ারে, কুস্তি লড়ি আও” ;
কানাই বলে, “হেরে যাব”, সবাই বলে, “যাও” ।
তারপর কানাই যখন সিংহের চুলের গুঠো ধ'রে,
ধপাস্ ক'রে ফেলে, বসলো বুকের উপর চ'ড়ে,
সিংহ বলে, “বাত শুন্‌রে, জলদি ছোড়দে ভাই ;
আগাড়ি হাম বোলা ঘরমে ভাগ যাবে কানাই” ।
কানাই বলে, “সিপাই দাদা জপ ঈষ্ট নাম,”
সিংহ বলে, “কভি সেকোগে নেই—ছোড়দে রাম”

“গবাদি ও কুক্কটমাংস-দর্শন-স্পর্শন-দ্রাণ-
পাচন-ভোজন-নিবারণী” সভায়, নিষ্ঠাবান্
যত আর্কফলা জুটে একদিন তুল্লেন বেজায় তর্ক,
কি কি দোষে শাস্ত্রদৃষ্ট বস্তু--কুক্কটবর্গ ।

আর তারি সঙ্গে সুপ্রাসঙ্গিক প্রশ্ন উঠলো ঠেলে,
পোড়াবে কি পুতে রাখবে পাঁচবছরের ছেলে ।
স্মৃতি-কিরীটোজ্জ্বল মাণিক্যোপাধিক জনৈক স্মাত্ত,
সিদ্ধাস্তরূপ সমরক্ষেত্রে গা গুণধারী পার্শ্ব,
বীরদর্পে সভা কাঁপিয়ে হইলেন সভাস্থ,
কিন্তু ঘনরাম শর্ম্মার শিষ্যের কাছে বিচারে পরাস্ত ।
হাসির আধিকা দেখে মাণিকা তাতেই দিলেন যোগ,
“আমার সঙ্গে শিশুর বিচার—হা তা কস্মভোগ !”

নিবারণ চন্দ্র মাইতি Public Speech এ ধুরন্ধর,
মর্ত্য-স্বর্গে মানব-দেবের মধ্যো পুরন্দর,
‘এন্ এ, বি এন্, এ ডবল এম’ উপাধি নুপিত,
হাল আইনের সিডিসনের ধারাতে দণ্ডিত ।
একদা এক রাজনৈতিক সভার মধ্যস্থলে
দাঁড়ালেন, বক্তৃতার বিষয় “যৌবন কারে বলে ।”
“Gentelman and Friends” বলে অমনি গেল আটকে,
বক্তাকে কেউ দিলে যেন হঠাৎ দাঁসী কাঠে লটকে ।
‘Hear Hear’ cheers, clapping উঠলো হাসির রোল,
চতুর্দিকে প’ড়ে গেল সে বক্তৃতার ঢোল ।
বাড়ী গিয়ে গিল্লির কাছে বলেন মাইতি ভেসে,
আজকের যেমন brilliant success এমন হয়নি এদেশে ।

ব্রাহ্মণ পণ্ডিত বিদায় । *

কোনও কথা ভায়া, মুখের উপর সাহস হয় না বলিতে,
সম্মম রেখে চলা ভারি দায়, এই হতভাগা কলিতে ।
সহিতে না পেরে ছ'একটা কথা, কদাচিত্ লিখি কাগজে,
নলিন নয়ন বুলায়ে তাওতো পড়না, শুনেই রাগো যে ।
যে কথাটা ভায়া, আমরা বলিলে মুখখিঁচে বল, 'তিষ্ঠ',
সে কথাটি যদি এদেশের কোনও হোম্‌রা চোম্‌রা লিখিত,
মিষ্টতা তার বেড়ে যেত কত, আশ্বাদ হ'ত মধুর,
কজন তোমরা হিতকথা শোন রাম, শ্রাম, হরি, যত্ন ?
কি কি পড়া আছে ছায়বাগীশের খবর নিলে না মোটে,
ছেঁড়া চটি পায়, নামাবলী গায়, টিকি দেখে গেলে চ'টে ।

সে যে তোমা হ'তে কত মিতাচারী, সংযমী সে যে কতটা,
সে যে তোমা হ'তে তত বোকা নয়, তুমি মনে কর যতটা ;
বিলাসিতা তারে মজায়নি, কত সামান্য অভাব,
একটি পরসা দাও না তাহারে, তুমিতো মস্ত নবাব !
কথাটি বলিলে খেঁকী মেরে ওঠ, যেন এক ক্ষেপাকুকুর,
“দোসরা যায়গা দেখে নাও, হেথা কিছু হবেনা ঠাকুর ।”

* সত্য ঘটনা অবলম্বনে লিখিত ।

দে যে বলে গেল কি সব হেতুতে হিঁদ্র ধর্ম শ্রেষ্ঠ,
কোনই অপরাধ করেনি তো তারা হিঁদ্র পুরানো 'কেষ্ট' ।
ভাল বলিলেই কিছু দিতে হয়, অতএব সব প্রলাপ,
ঐ মধুময় ধমকানি খেয়ে পাছে হয় তার জোলাপ,
পত-নত খেয়ে কাপিতে কাপিতে পলাইয়া বাঁচে ব্রাহ্মণ;
পথে গিয়ে ভাবে, "এতবড় নাম, রায় বাহাদুর রাম-মো'ন" !

ভারতের ভবিষ্যৎ সমস্যা ।

সম্পাদক ভায়া !

সব 'ভূত'গুলো যদি নিজের মতন ঠিকদেখি,
তবে হয় শাস্ত্রমেনে চলা,
আমি অহিফেনসেবী, 'হুনিয়ায় সব নেশাখোর',
বলিলেও টিপে ধরে গলা ।
অহিফেনাভাবে যদি আমার স্বভাব নষ্ট হয়,
লই তব গোচর্য পাড়কা,
তবে আমি চোর, আর তোমাকেও । যদি তাই বলি,
তুমি পৃষ্ঠে বসাইবে ছ'দা ।

সর্বভূতে আত্মদৃষ্টি স্মরণ্যং হয় না স্মবিধে,
নিজের বিপদ তাতে বাড়ে,
আমি চোর, তুমি চোর, রাম, শ্রাম, যছ, হরি চোর,
বলিলে কি তারা মোরে ছাড়ে ?
ভেবে দেখ, সম্পাদক, (তোমরা তো বহুদর্শী খুব)
নিজে দোষী, নাহি কোনও জালা,
“সেই দোষ অপরেও বর্তমান” বলা মাত্র, দাদা,
প্রত্যুত্তরে কি পাইব ?—“—” !

স্বতরাং চক্ষু মুদে বা খুসীতে অহিকেন থাই,
হুনিয়ায় যা হইতেছে হোক ;
বাজ্যের খবর দিয়ে তোমরাই শাস্তি ভঙ্গ কর,
তোমরাই অনিষ্টকারী লোক ।
ভারতের বর্তমান, গোলমеле রকম হৈয়ালী,
জটিল ও দুর্বোধ্য, স্বীকার্য ;
একথাও ঠিক বটে, হু'চারটে চোরামা'র সুধু,
বাধা দেয় ভবিষ্যের কার্য ।

ও পথটা ভাল নয়, এত ভায়' সকলেই জানে,
ওটা নষ্টবুদ্ধির লক্ষণ,
যে টুকু লাভের গুড়, ক্ষেপাদল ওটা থেকে চায়,
পিপীড়ায় করে তা' ভক্ষণ ।
স্থির দীর চিত্তে যারা, দেশের কল্যাণ বাঞ্ছা করে,
উষ্ণ নয়, মাথা খুব ঠাণ্ডা,
তারা বলিতেছে 'ওই চোরা মার করিবে প্রসব,
তুরঙ্গের বড় বড় আগু ।'

এটা বেশ স্পষ্টকথা, ক্ষেপাদল চেনে নাই পথ,
খাম্খা করিছে জীবক্ষয়,
শীতল মস্তিষ্ক ভেদি' দেখা দিল যে সব প্রবন্ধ,
সকলেই এক কথা কয় ।

বিশ্রাম ।

কিন্তু ভায়া পথ কোথা, একথা বলেনা পণ্ডিতেরা,
কোন্ পথে গেলে ভাল হবে.
প্রবন্ধ জন্মার পূর্বে সমস্তা যেমন শক্ত ছিল,
তেমনি রহিয়া গেছে ভবে ।

আফিম প্রসাদে আমি, সদগুরু কমলাকান্ত দেবে
হৃদে আমি' করিয়া বরণ,
এ পথের পাইয়াছি সমাক্ ও সুস্পষ্ট সন্ধান,
দুচে গেছে অন্ধ আবরণ ।
তবে কিনা, সে পথটা তোমরা ভাবিছ খুব সোজা,
সরল রেখার মত প্রাঙ্গ,
পরিষ্কার, সমতল, সুপ্রশস্ত, নিরাপদ খুব,
চোখ বুজে চ'লে যাওয়া যায় ।

ওই থানে এতটুকু মতদ্বৈধ হবে মোর সনে,
পথ ঠিক ও রকম নহে,
পুরাতন-জটিলত্ব-পূর্ণ এই ভারতবর্ষ,
পথ সোজা, কোন্ মূর্খ কহে
দণ্ডক-থাণ্ডন-আদি-মহারণ্য পরিপূর্ণ স্থান,
হেথাকার সমস্তা কি সোজা ?
সে অরণ্যে ব'সে ব'সে মুনিরা যা' লিখে গেছে, তাহা,
চট্ ক'রে যায় বুঝি বোঝা ?

এ দেশের পথঘাট চিরদিন জটিল দুর্গম,
বিদেশীরা সব পথহারা,
এসে এ গহন মাঝে, একেবারে পথ ভুলে যায়,
দেশে আর নাহি ফিরে তারা ।
ওকর দপ্তর খুলে পড়িলাম পুরাণ, সংহিতা,
বাজ্রবল্ল, পরাশর, মনু,
বাদার্প, অনরকোষ, কাশীখণ্ড, চৈতন্যমঙ্গল,
'ভতোম' ও 'লয়লা মজনু' ।

খুঁজে খুঁজে হয়রান, ভারতের পথ-বিসরণ,
বলে নাই কোনও গুণ্ধকার,
তীব্রজ্ঞানালোকপূর্ণ গ্রন্থগুলি পড়িতে পড়িতে,
দেখিতে লাগিলুম অন্ধকার ।
এমন সময়ে গুরু আবিভূত, অহিফেন ধূমে,
আবরিয়া বিগ্রহ উজল,
শিশুশিক্ষা খুলে দেয়, দ্বিতীয় ভাগের য'ফলাতে,
ভাবা তাঁর সুস্পষ্ট, সবল ।

“পাঠ্য পুঁথি পাঠ কর, জাড্য দোষ দূর কর,” ভায়া,
“আঢ় লোক সুখে থাকে” আর,
এই তো আসল পথ—নব্যশিক্ষিতের মাথা হ'তে,
মদনের মাথা পরিষ্কার ।

বিশ্রাম ।

ভারত মঙ্গল হেতু পথবার্তা দিলাম কহিয়া,
হোক সৰ্বজীবের মঙ্গল,
অহিফেন কুরায়েছে পাঠাইও, প্রিয় সম্পাদক,
কালিকার নাহিক সম্বল !

সরকারী ওকালতীর আকর্ষণ ।

(অনুষ্ঠুভ ছন্দঃ)

একদা সাক্ষ্য বাতাস সেবনার্থে নদীতটে,
চিন্তাকুল মনে পাদচারণা করিতেছিহু ।
সহসা উকিল শ্রেণী মধ্যে এক ধুরন্ধর,
ব্রহ্মভাবে তরা আসি করিলা উপবেশন ।
সিগারেট মুখে তাঁর, চসমা লোচনদ্বয়ে,
বদনে মদিরা গন্ধ, মস্তকে টেড়ি সুন্দর ।
কহিলা, “রাখহে ভায়া স্থানীয় বারতা কিছু ?
অথবা মারিয়া আদ্ভা বৃথা যাপিছ জীবন ?”
“আমিতো জানিনে দাদা, সম্বাদ কিছু নূতন”,
কহিলাম মহা লাজে, মাথাটা চুলকাইয়া ।
“তাইতো” বলিলা বন্ধু, “ভারি যে গোল বাধিল,
দেবেন্দ্র বাবুর * স্থানে, বহাল-হইবে ক’টা ?
দরখাস্ত দিয়াছেন জগৎ বাবু, নিরঞ্জন,
বিনোদ চৌধুরী, আর ভট্টাচার্য্য কুলোদ্ভব
মুকুন্দ প্রেরিলা আর্জি, শ্রীগোপাল চুপে চুপে ।

* ভূতপূর্ব স্বর্গীয় সরকারী উকীল ।

বিশ্রাম

বায়োপাখিক সম্ভ্রান্ত নামে পুরন্দর স্মৃত,
হরিশাভয় মৈত্রেয়, ইত্যাদি কত বা কব !
সবারি ভরসা হচ্ছে, কেলা করিব হে কতে,
অরাতি বদনে ভায়া, চূণ কালী দিয়া স্মৃথে ।
সকলেই মনে ক'চ্ছে কে কাকে ছাড়িয়া উঠে,
অদৃষ্ট গগনে কার সাফল্য-রবি ভাতিবে ।
সন্দেহ নাহি কাহারো, সম্বন্ধে সোপযোগিতা,
প্রকাশ করিতে তাহা, চেষ্টার নাহিক ত্রুটি ।
প্রতিদ্বন্দীর কুৎসাতে, নাহি লজ্জা কিম্বা ঘৃণা,
যে কোনো রকমে হোক না, কার্য্য-সিদ্ধি হ'লে হল ।
কৃষ্ণ বাবু জরা বৃদ্ধ, ষাটি বর্ষ বয়ঃক্রম,
'বানপ্রস্থ' করা হচ্ছে, ব্যবস্থা তাঁর এক্ষণে ।
পক্ষান্তরে বৃহদাবী করিতে আমি সক্ষম,
করিয়াছি ঐ স্থানে দ্বাত্রিংশবার একুটনি ।
বিশেষত কথা হ'চ্ছে, এনেছি আমি যে চিঠি
সম্প্রতি করিতেছেন হাইকোর্টে জজীয়তি,
স্বনামপুরুষোধন, শশিমাধব ঘোষজা,
তাঁহারি শ্রালক শ্রেষ্ঠ নামে যুগেন্দ্রমোহন,
যুগেন্দ্র পিস্তুত ভ্রাতা কুলীনব্যাঘ্র ষাদব,
তাঁহার শ্রালিকা পুত্র, বেচারাম সুপণ্ডিত,
কেনারাম সুসম্ভ্রান্ত, বেচারামের ভায়রা,
কটকে করিতেছেন কেরানীগিরি চাকুরী,

তাঁর পত্নী মহাফ্লাদে, চম্পকাস্থলি চালনে,
 'সোপারোস' দিয়াছেন, বলতো আর চাহি কি ?"
 এবম্বিধ প্রকারেতে,--প্রকাণ্ডে করি' বক্তৃতা,
 বহু অর্থদ্বায়ে ভায়া, করিতেছে ছুটাছুটি ।
 কেহবা ঘুরিছে নিত্য, সন্ধ্যা-প্রভাত-যামিনী,
 মাজিষ্ট্রেট কুঠী, আর জজসাহেব কামরা ।
 গোবৈচারী মহাখেদে ভূতলে জাত্ত পাতিয়া,
 জিজ্ঞাসে প্রথমে, "হ্যাঃ হ্যাঃ আচ্ছা হায়, তবিয়ং হজুর ?"
 আপন স্মার্ত টা হচ্ছে, এবম্বিধ মনোহর,
 সেটার সিদ্ধি উদ্দেশে অকায়া নাহি ভূতলে ।
 শাস্ত্রসিক নহে দাদা, বিশ্বাস-স্থাপনা নূপে,
 তোরাজে কুণিসে তারা, পোষ মানে কি কক্ষণো ?
 নূপে শিষ্ট, মনে ভারি বেজার বাবু দেখিলে,
 হাড়ে হাড়ে চ'টে থাকে, বলে গাধা মনে মনে ।
 বিনানা পড়িলে পুঠে, স্পন্দ বোধ বিবর্জিত,
 কসিয়া মারিছে লাগি, যাচ্ছে পুঠ জুড়াইয়া ।
 হিতোপদেশ শাস্ত্রের ক'জনা মানিয়া চলে ?
 অগবা বৃথিয়া কেবা, নিবৃত্ত হইছে কবে ?
 "গুপ্তজা * নিকটে বাবে দীন ভৃত্য বশব্দ,
 একখানি পত্র দাসে, দিতে হচ্ছে দয়া ক'রে ।"

বিশ্রাম

বলিয়া চরণে ধরা দিলেন আৰ্য্য গৌরব,
এনেছেন বৃহৎ ডালা, পকরন্তা সমন্বিত ।
সাহেব কহিছে, “আরে এ যে ভারি বিপদ হ’ল,
ক’জনাকে দিবো পত্র ? ক’জনা কার্য্য পাইবে ?”
তথাপি ছাড়ে না বাবু চরণে পড়িয়া রহে,
‘ধৰ্ম্মাবতার, এ দীনে করুণা করিতে হবে।’
স্বইচ্ছার বিরুদ্ধে, লেখনী ধরিল প্রভু,
মনেতে করিল, “বাঁচি এ আপচ্ছুকিয়া গেলে।”
শ্রীমদ্গুপ্তপদান্তোজে রাখিয়া অচলা মতি,
রিকমেণ্ডেসনে সাটিকিকেটে পূর্ণ-দপ্তর,
চলিলেন পদপ্রার্থী, কার্য্যোদ্ধার মহাব্রতে,
সুলগ্নে করিয়া যাত্রা দেখিয়া নব পঞ্জিকা ।
গিন্নিকে কহিলা হাসি’, “আর কি ভাবনা প্রিয়ে !
শ্রীঅঙ্গ করিয়া দিচ্ছি, কলধোত-বিমণ্ডিত ।
‘গারজীটার’ সাহেব ‘ডী’ এবং শশিমাধবে
ধরিয়া, তৎপ্রসাদেতে চাকুরী পাইব ক্রব ।
টি, চৌধুরীর সাহায্যে কার্য্যটা লইতে হবে,
হরেন্দ্রনাথ সেনের কর্তব্য পাদলেহন ।”
গগনে রচিয়া পুষ্প, স্বপনে হইয়া নৃপ,
সহর্ষে চলিলা বাবু ব্যাজ না করিয়া পথে ।
কেহ বা প্রেরিলা ভ্রাতা, গা ঢাকা রহিয়া নিজে,
‘তার যে ক্যাণ্ডিডেচার, সেটা স্মধু জনশ্রুতি,’

একথা বলিয়া, ভাবে, লোকে করিল প্রত্যয়,
 স্বার্থদাস হ'লে বিদ্বান্, বনে নীরেট গর্দভ ।
 জগৎ রায় কহে শুণ্ডে, “নাবালক নিরঞ্জন,
 কদাপি নাহি তাহার এ কার্যে বহুদর্শিতা ।
 বিশেষত কথা হচ্ছে, সাহেব ভালবাসেনা,
 মধ্যো মধ্যো মহা গণ্ডগোল যে বাধিয়া উঠে ।
 শ্রীগোপাল মসীকৃষ্ণ, ভারি দুর্বল ও ক্লশ,
 পাকা হস্ত নহে তার, বিগিনারশচ বালক ।
 বিনোদ চৌধুরী বৃদ্ধ, বসুধৈব কুটুম্বকম্,
 হট্টগোলে ডুবে আছে, মরিতে অবকাশ কৈ ?
 বিশেষ ইংরিজী ভাষা পারেনা বলিতে দ্রুত,
 ত'কথা বলিতে ‘ব্যা, ব্যা’, করে সে ত'সহস্রটি ।
 মুকুন্দ সর্বদা তার ‘কাশিকা’ লইয়া রহে,
 তাহার উপরে বিপ্র দ্বিতীয়পক্ষ বিব্রত ।
 হরিশের কথা বেশী বলাটা নিম্প্রয়োজন,
 আছে সে মদ মাৎসর্য্যে, সর্বদার তরে ডুনি ।
 অভয়ের কথা হচ্ছে, আছে তো উপযোগিতা,
 মধ্যো মধ্যো প'ড়ে থাকে ‘লাম্বোগো’ কোমরে হ'য়ে
 অধিকন্তু সদা আছে, প্রত্নতত্ত্বের সাধনে ,
 প্রবন্ধ লেখনে ভায়া, কাটিছে দিন যামিনী ।”
 কহে, নিরঞ্জন ভ্রাতা, দিগম্বর মহোদয়,
 ক্রোধে আর্ক ফলা দোলে, আখিছয় সুরঞ্জিম,

বিশ্রাম ।

“হীন শূদ্র জগৎ রায় কেমনে কার্য্য পাইবে,
থাকিতে ব্রাহ্মণ শ্রেষ্ঠ সন্ধিপ্ৰান্নয় কেশরী ?
বিশেষত জগৎ বাবু চাৰা সঙ্গে দিবানিশি,
পড়িয়া কফি উঠানে, থাকেন নাথি কৰ্দম ।”
এপ্রকারে মহাদ্বন্দ্ব করিয়া গুপ্ত সন্নিধি,
লভিয়া লুন্ধ আশ্বাস, হইলা পুনরাগত ।
বলে কেহ, “অহে ভায়া, কত্না বিবাহ মানসে,
নখন্ধ নির্ণয়োদ্দেশে, চট্টগ্রাম গিয়াছিনু ।”
কেহবা কহিলা “শ্রালী পীড়িতা, বারতা শুনি,
গিয়াছিনু ভূয়াগঞ্জ, কদলীপুর সন্নিধি ।”
কিন্তু হায়, অদৃষ্টের কি তীর পরিহাস এ,
প্রদক্ষ কটু আহার করিয়া ফিরিলা সবে ।
পরাস্ত মানিয়া গেলা বৃদ্ধের * নিকটে যুবা,
এত যে রিকমেণ্ডেসন্, চুলাতে গেল সৰ্কথা ।
যুচিয়া গিয়াছে দাদা স্বপনের নৃপত্বটা,
অবশেষে বিছানাতে——বারি কেবল ।”
হাসিয়া বলিলা বন্ধু, “দেখগে বার নওপে,
প্রত্যকে করিয়া আছে, সুগোল কি প্রকাণ্ড ‘হা’

* বৃদ্ধ কৃষ্ণ বাবু অবাচিত ভাবে ঐ চাকরী পাইলেন ।

PHYSIOGNOMY

(১)

কুস্তলহীন টাঁদির উপরে,

পড়িয়া solar rays,

Convex mirror এর মত, যদি

দেয় অপূৰ্ণ glaze,

আর, কেন্দ্রস্থানে রহে যদি তার

পৃষ্ঠ টিকির গুচ্ছ,

জানিবে, তাহার তর্ক শাস্ত্রে,

আসন অতীব উচ্চ ।

(২)

নাতিলম্বিত কোঁকড়ান কেশ,

প্রচুর ও সুবিগ্ৰহ,

দিনে রেতে প্রায় দ্বাদশ ঘণ্টা

চুলটি নিয়েই ব্যস্ত,

ছোট কথা কর, কম হাসে, আর

নিরীহের মত থাকে,

অন্য দেশে না হোক, বঙ্গ-

কবি ব'লে জেনো তাকে ।

সেই কোঁকড়া কেশভার, হ'লে
তৈল বিহীন কটা,
কাঠের চিরুনি গৌজা তায়, খায়
ডাল রুটি ও পরটা,
চুপটি করিয়া বসিয়া থাকে সে,
ভয়াবহ নাগরা-প্রিয়,
'হনুমান সিংহ'—হাতুয়া রাজার
দ্বারোয়ান, জেনে নিয়ে

(৪)


বাড়ীর ভিতরে দৃষ্টিটা কম,
বাইরে ফরাস খাসা,
বাজারেতে ধার, চিন্তা বিহীন,
চলে খুব তাস পাশা,
বোল চলে পটু, মনে যাহা থাক্,
হাসিটি দেখায় বাইরে,
পেটের কথাটি বলে না ; আইন-
ব্যবসায়ী, জেনো ভাইরে !

(৫)

অতি সংগোপনে, সন্ধ্যায় প্রভাতে
কলপ লাগায় চূলে,
নির্জ্জনে বসি' রোজ সাফ্ করে
লাগান দস্ত খুলে,
বিবল কুস্তল শির, তাতে টেড়ি,
রসিক, এয়ার অতি,
কোষ্ঠি না দেখে, ব'লে দেওয়া যায়,
'দ্বিতীয় পক্ষের পতি।'

(৬)

তুলসীর মোটা মালাটি গলায়,
কামানো মাথায় টিকি,
'হরিণাম' ছাপ সমস্ত শরীরে
করিতেছে ঝিকিমিকি,
“অহিংসা পরম ধর্ম” মুখে কন,
বিশ্বের অহিত মনে,
মাছ-মাংস-ওখায়া পরম বৈষ্ণব,
ঠিক বলে দিহু, গণে



ପରିଗଣ-କଞ୍ଚନ ।

পরিণয় মঙ্গল ।

(১)

বংসে !

এ নিখিল রচনার প্রথম প্রভাতে,
করুণ-নয়ন-কোণে হেরিলেন রাজ-
অধিরাজ, মঙ্গল-চরণ চুম্বী, মুক্ত-
অনাহত শক্তির নিকাশ, সুবিমল-
শান্ত-জ্যোতির্বিভাসিত বিশ্ব সুশোভন ;
অনন্ত-শৃঙ্খলাময়, শক্তি আর জড়ে
অবিচ্ছিন্ন মিলনের অভিব্যক্তি ; সীমা-
শূন্য আকাশের কোণে, নিমেষে উঠিল
মহামিলনের জয়ধ্বনি ; প্রতি অণু
ছুটিল প্রবল বেগে অণুর সন্ধানে,
বিশ্বপ্রেমিকের প্রেমকণা বক্ষে ধরি,
উন্মত্ত নিয়মবদ্ধ ;—গ্রহ হ'তে গ্রহে
ছাটিল অসীম শূন্য ; পৃথিবী পড়িল
নাশা সূর্য্য সনে, অচ্ছেদ্য বন্ধনে ; শশী
স্নিগ্ধ প্রেমালোক উপহার ল'য়ে হর্ষে
ডালি দিল পৃথিবীরে, বদ্ধ প্রেমপাশে ।
ছুটিল তটিনী সিন্ধুপানে তীব্রপ্রেম-

বিশ্রাম

ব্যাকুলতা ল'য়ে বক্ষে ; অনল অনিলে
হ'ল স্নমঙ্গল সম্বন্ধ স্থাপিত ; চাঁদ
হেরি উড়িল চকোর সূধা-আশে, রবি-
করে হাসিল কমল । করুণা রূপিনী
মূর্ত্তিমতী, প্রসূতি, সন্তানে কি আবেগে
চাপিল কোমল বক্ষে ; মন্মেষে মন্মেষে তার
অনিরোধ স্নেহ-উৎস হ'ল উৎসারিত ।
প্রেমের বিজয় মালা, প্রীতিভক্তিভরে
দিল সতী পরাইয়া স্বামীদেবতার
কণ্ঠদেশে ; বিকাইয়া শ্রীচরণ তলে,
জানাইল স্তব্ধতার গভীর ভাষায়,
অসঙ্কোচে, অবিতর্কে আত্মবলিদান,
প্রেমদেবতায় পুণ্যবেদীসন্নিধানে ।

যে প্রেম দিতেছে শিক্ষা নিখিল সংসার
জীবের মঙ্গল হেতু, যুগান্তর
হ'তে, স্নম্পষ্ট নীরব কণ্ঠে, শুন বৎসে,
তাই শিখে নিতে হবে ; সেই বিশ্বপ্রেম-
গ্রন্থঅধ্যয়নব্রত আজি কর মা ধারণ ;
স্বামী মহা গুরু, হের বৎসে, কর তাঁর
শিষ্যত্ব স্বীকার ; বুঝ ভাল ক'রে
গৃহীর এ ব্রহ্মচর্য্য ; দৃঢ় সাধনায়,

প্রবল বিশ্বাসে, স্বামীদেবতার, কর
নিদেশ পালন, তাঁর জ্ঞানউপদেশ,
গুরুশিষ্যপ্রীতি-সম্মিলনফলে, ল'য়ে
যাবে সালোক্য মুক্তির দেশে ; শোক, দুঃখ,
তাপ, ধরণীর ধূলা সনে পড়ে র'বে ।
তুমি যাবে মুক্ত, বুদ্ধ, শুদ্ধ, অনাবিল
চিন্তা ল'য়ে, মহামিলনের যশোগানে
বিভোর, সে প্রেমময় চিদানন্দ পদে
করিবারে আত্মসমর্পণ ; হে কল্যাণি,
এ নহে দৈহিক ক্রিয়া, চিরবিনশ্বর
বিলাসলালসাতৃপ্তি, এ নহে ক্ষণিক
মোহের বিজলিপ্রভা, নহে কভু স্মৃতি-
দুঃখময় দুদিনের হরষ ক্রন্দন,
প্রভাতে উদয় বার, সন্ধ্যায় বিলয় ।

বিশ্রাম ।

(২)

সখা !

হেথা, স্থল আসি' মিশে স্থলে, অগ্নি মিশে অগ্নিতে,
হৃদয়ে হৃদয় মিশে তনু মিশে তনুতে ।
কুমদিনী চাহে চাঁদ, চাঁদ চাহে যামিনী,
কমলিনী চাহে রবি, মেঘ চাহে দামিনী ।

মিলন সঙ্গীত-ভরা মধুর এ ধরাধাম,
জীবনের লক্ষ্য নুষ্টি, মহামিলনের নান ।
সেই মিলনের নূলে, মধুর মিলন আজ,
এ মিলনে ল'য়ে যাবে সেই মিলনের মাঝ ।

তাই লইতেছি বরি', এ যামিনী মধুরে,
মহামিলনের যাত্রী, নব-বর-বধুরে ।
ধরার বন্ধুরপথে ঋধিরাক্ত চরণে,
বসিয়া ডাকিবে যবে শান্তিভূখরনে,

নিরাশা আসিবে ধীরে বলহীন হৃদয়ে,
অভিশাপ দিবে, সখা, হতবিধি নিদয়ে ;
শিশুশক্তি সাথে থাকি', দিবে বল, ভরসা ;
কঠিন-ধরণী, সখা, ক'রে দিবে সরসা ।

জীবনের নব পাত্ৰ ! সাথে নিয়ে উহারে,
ওই নিয়ে যাবে তোমা, স্বৰ্গের ড়য়ারে ।
সাথীৰে ক'র না হেলা, কৰিও না অযতন ;
ওব দুখে দুখী হ'য়ো, বালিওনা ক'বচন ।

ওইবে দক্ষিণ হস্ত, এ জীবন আহবে,
দেবাশীষে এ জীবনে অমঙ্গল না হবে ।
কুশল-বাসনা-মাথা, ধর, দীন-উপহার,
জীবনের শেষ বেলা হ'তে পারে উপকার ।

বিশ্রাম ।

(৩)

বৎসে !

নিম্মল মধুর নিশীথিনী,
আজ তব শুভ পরিণয় ;
শশধর এনেছে কৌমুদী,
ফুলমধু এনেছে মলয় ;

হাসি মুখে এনেছে কুসুম,
সুপবিত্র সুষমাসৌরভ ;
কোটি, দীপ্ত, সুমঙ্গল গ্রহ,
আনিয়াছে আলোক-গৌরব ;

বার আছে ষেটুকু সম্পদ,
তাই সে এনেছে তোর তরে ;
মূর্তিমতী প্রকৃতি জননী,
দাঁড়াইল উৎসব-বাসরে ;

আমি আজ কি দিব তোমারে,
সুচরিতে ! নয়নের মণি ;
ছটি কথা কবিতায় গাঁথা,
শুভদিনে শুভাশীষ ধ্বনি ।

বুদ্ধিমতী সরলা বালিকা,
পারিজাত-পরিমল-রাশি,
আলো ক'রে ছিল গৃহাঙ্গন,
তোর ঐ শান্ত গুল হাসি ।

কোন্ গুল-লগনে ধরায়,
ফুটেছিলি স্বরগের ফুল ;
ছড়াইয়া প্রীতি-পরিমল,
ক'রেছিলি হৃদয় আকুল ;

আজ তোরে জন্ম-বৃন্ত হ'তে,
তুলে নিয়ে যাবে মা কোথায় ;
মনে হয় বৃন্ত-চ্যুত ফুল,
স্নেহবারি পেলেও শুকায় ।

পুষ্পহারা বৃন্তের মতন,
সে নিকুঞ্জ রহিবে পড়িয়া ;
বিফল আগ্রহ ল'য়ে স্নেহ,
নিরাশায় পড়িবে ঝরিয়া ;

তবু এ যে নিয়তির লেখা,
ছেড়ে যেতে হবে পিতৃবাস ;
আমাদের কথা ভেবে যেন,
ফেলোনা, মা, দুখের নিঃশ্বাস !

বিশ্রাম

রমণীর পতিই দেবতা,
পতিগৃহ অনন্ত আশ্রয় ;
প্রেমময় বিধাতার বরে,
শুভ হোক নব পরিচয় ।

সদানন্দময়ী মা আমার,
সুখশান্তি নিয়ে যাও সাথে
সোণা হ'য়ে ওঠে যেন সব,
ও সোণার হাত দিবে বাতে ।

ভক্তি প্রীতি সরলতা দিয়া,
আপনার ক'রে নিও সবে ;
হেথাঙ্কার নাম ঘুচে যেন,
“লক্ষ্মী বউ” নাম রটে ভবে ।

অবিতর্কে করিবে সর্বদা,
গুরুজন নির্দেশ পালন ;
মিষ্টভাবে তুষিবে সকলে,
করিবে মধুর আলাপন :

গৃহকাৰ্য্য জান, মা, সকলি,
তবু না করিও অহঙ্কার ;
রমণীর সগৰ্ব্ব বচন,
জ্যোতিঃ মাঝে আনে অন্ধকারি :

প্ৰীতি ৰাখ নয়নের কোণে,
হৃদয়ে যতনে ৰাখ লাজ ;
স্বৰ্ণ ভূষা তুচ্ছ তার কাছে,
আছে যার সন্মের সাজ ।

লক্ষ্য কৰি স্বামীৰ চরণ,
চালাইবে জীবন-তরণী :
ওই ধুব তারা পানে চাহি,
লক্ষ্য ভ্ৰষ্ট হয় না রমণী ।

সুখে দুখে, হৰবে বোদনে,
চিরসার্থী. সম্পদে, বিপদে ;
ইহ পরকালের সহায়,
মাত্ৰ বেথ. তাঁহার শ্ৰীপদে ;

কথাগুলি গেথে ৰাখ প্ৰাণে,
কোন মতে নাহি হয় ভুল ।
উথলিয়া উঠিবে সম্পদ,
কখনো হবেনা অপ্ৰভুল ।

শিৰে ধৰ মেহ আশীৰ্বাদ,
বিদায়ের অশ্রু জল মাথা,
সিন্দূৰ অক্ষয় হোক মাথে,
আজীবন হাতে বোন্ধ শাঁখা ।

বিশ্রাম।

(৪)

মা !

শৈশবের মোহ অন্ধকার
ঘুচে তোর হোক সুপ্রভাত ;
পরাইয়া পরিণয়-হার
ক'রে যাব শুভ আশীর্বাদ ।

জন্মিয়াছ যে পবিত্র ভূমে
সে ভারতে শত দেবনারী,
রেখে গেছে পূত পদ-রেখা,
সতীত্বের বিভূতি বিস্তারি' ।

রমণীর অসীম আশ্রয়
একমাত্র পতির চরণ,
সুপবিত্র সর্ব তীর্থ সার,
ঐ পদে জীবন মরণ ।

পথক্লেশ ক'রনা গণনা,
চ'লে যাও লক্ষ্য করি' স্থির ;
ঐ স্থানে পাইবে কুড়ায়ে,
চতুর্কর্গ ফল রমণীর ।

সুনিপুণা নর্তকী যেমন
হ'য়ে গীত-তাল-লয়-বশ,
নৃত্য করি' হেলিয়া ছলিয়া,
স্থির রাখে মাথার কলস ;

ধনঞ্জয় অস্ত্র পরীক্ষায়,
দেখে নাই পাখীর শরীর ;
নেত্রে মাত্র নেত্র ছিল তার,
আজ্ঞা মাত্র বিদেছিল তীর ।

সে সাধন, সেই একাগ্রতা,
সেই নিষ্ঠা, সেই দৃঢ় পণ ;
জাগাউয়া তোল মা জীবনে
ধন্য হোক ভারতভবন ।

কর্তব্যের বন্ধুর পছায়,
শ্রান্ত পদে চলিতে চলিতে,
স্বামী যবে বসিয়া পড়িবে,
নিরুত্তম অবসন্ন চিতে,

শক্তিরূপা, সদানন্দময়ি !
তার পাশে ব'স, মা আমার ;
বল দিও, আশা দিও প্রাণে,
দিও সঞ্জীবনী সুধাধার ।

বিশ্রাম ।

দুই দেহ, দুইটি জীবন,
একত্র করিয়া দিগ্ন আজ ;
দুই শক্তি মিলনের ফলে,
সিদ্ধ হোক জগতের কাজ ।

এ মিলন ঐহিকের নহে,
নহে কভু দৈহিক ব্যাপার,
নহে তুমি ক্রীড়ার পুতলী,
স্বামী কণ্ঠে বিলাসের হার ।

আজিকার এ আনন্দ মাগো
সচ্চিদানন্দ লাভের সোপান,
আজিকার এ মিলন সুধু,
মুক্তি দিয়ে দিবে পরিত্রাণ ।

ভারতের কঠোর হৃদ্যে,
দাও শক্তি, হও তেজস্বিনী ;
লাজে যদি ম'রে থাক, মাগো,
পোহাবেনা এ ছগ-যামিনী ।

(৫)

যাও মা, নূতন দেশে, মূর্তিমতী লক্ষ্মীবেশে,
 ধনধাতু পূর্ণ করি তাহাদের গেহ ;
 অঙ্গনে চরণ দিয়া, তোল কুল কটাইয়া,
 প্রীতি দিয়া কেড়ে লও তাহাদের মেহ ।
 শীর্ষকাদ ধর মাথে, রহিবে সে সাথে সাথে,
 শৈশব সঙ্গীর মত, চিত্তবিনোদন ;
 আনন্দ লইয়া যাও, আনন্দ বিলায়ে দাও,
 এ ভবনে ফেলে যাও, বিষাদ, বোদন ।
 যে দেশে জন্মেছ মাগো, তার তথৈ সদা জাগো,
 অটুট স্বদেশ-প্রীতি, যত্নে ধরি বৃকে ;
 বাধিতে আপন মান, অনলে জীবন দান,
 ভারতে করেছে কত দেবী হাসিমুখে ।
 মহিম-মণ্ডিত শিরে, স্বদেশের পানে ফিরে,
 চাও মাগো, পদাঘাতে চূর্ণ কর পাপ ;
 দূর কর দেশ-দৈত্য, বাঁচাও স্বদেশ পন্থা,
 শোন মা ভারত-লক্ষ্মী-কাতর-বিলাপ ।
 বর জগদ্ধাত্রীবেশ, জাগিয়া জাগাও দেশ ;
 কোমল লাবণ্যনারে তীক্ষ্ণ তেজোরশি
 যতনে লুকায়ে রাখ ; জলদগন্তীরে ডাক,
 "চমকি"—উঠুক যত, নিদ্রিত বিলাসী ।

বিশ্রাম

হের দুঃস্থ শত শত, ধর পর-হিত-ব্রত,
ক্ষুধাভেরে অন্ন দাও হইয়া অন্নদা ;
কর পতিতের ত্রাণ, হর্ব্বলেরে শান্তদান ;
আশ্রিত জনের হও বরাভয়প্রদা ।

নাগো, শান্তিময়ী, শুভা, পতিকূলে হও ক্রবা :
শক্তি স্বরূপিণী হ'য়ে যাও নিজ বরে,
যশঃ হোক অকলঙ্ক, অক্ষয় হাতের শঙ্খ,
সিন্দূর উজ্জল হোক বিধাতার বরে ।

(৬)

মা ! কষ্ট ক'রে মানুষ ক'রে
পরের হাতে দিতে হয় ;
মেয়ের কাজ কি শত্রু, পরকে
আপন ক'রে নিতে হয় ।

অচেনা সংসারে গিয়ে,
চেনার মত থাকতে হবে ;
সবার কথার বাধ্য হ'য়ে,
সবারি মন রাখতে হবে ।

তাতে, মা, তুই শিশু, সেথা
গেলেই যে তোর কাগ্না পাবে ;
চোখের জলটি না শুকাতেই
তোর হাতে, মা, রাগা যাবে ।

মুখ দেখে, মা কত রকম
ক'র্বে সবাই আলোচনা ;
মন্দ লোকে ব'ল্বে মন্দ,
ভালো ব'ল্বে ভালো জনা ।

বিশ্রাম ।

ঘোমটা একটু স'রে গেলে,
ব'ল্বে 'ব'য়ের সরম নাই' ;
গায়ের কাপড় স'রবে না, মা,
নূতন ব'য়ের সরম নাই ।

ব্যথা পেলে 'উছ' নাই তার,
আনন্দে সে হাস্তে নারে ;
পাড়া পড়সী আর না পারুক,
কথায় কথায় শা'স্তে পারে ।

'এ ভাল নয়,—তা' ভাল নয়,—
কত রকম ক'য়ে যাবে ;
আপন কাজে মন দিয়ে রো'স,
শুন্তে শুন্তে স'য়ে যাবে .

সেই যে, মা, তোর আপন বাড়ী,
তারাই, মা, তোর আপন জন ;
তাদের তুষ্ট ক'রতে হবে,
ক'রতে হবে জীবন-পণ ।

নিজের কষ্ট চেপে রেখে.
তাদের কষ্ট করিস্ দূর ;
তাদের গর্ব মাথায় রেখে,
নিজের দর্প করিস্ চূর ।

গুরু জনের সেবা ক'রো,
তাদের বাধ্য হয়ে থেকো ;
• তাঁদের জন্ত কষ্ট সহিতে
সুখ আছে, মা, স'য়ে দেখো ।

“সাবান ঘসা, এসেন্স্ মাথা,
কুন্তলীনে কেশটি ভরা ;
জ্যাকেট্, সেমিজ, সেফ্টি পিনে,
দিবা রাত্রি বেশটি করা ;

‘উল্’ নিয়ে বউ ব'সে থাকে,
ঘুরে বেড়ায়, হাসে, খায় ;
সংসারের কাজ ভেসে গেলে,
তার কি তাতে আসে যায় ?”

এ সব কথা কেউ না বলে,
নিজের মাগ্ন রাখিস্ নিজে ;
সবকে রাখিস্ মাথায় ক'রে,
সরম নিয়ে থাকিস্ নীচে।

আমরা, মা, তোরা জন্তে কাঁদি,
তুই হেসে যা তাদের দরে ;
মনের দুঃখ রেখে যা, মা,
সুখ নিয়ে যা তাদের তরে ।

বিশ্রাম ।

মিথ্যা গৌরব ভুলে গিয়ে,
 ধর্মের ভরে হ'স্ তৃষিতা ;
সতী লক্ষ্মী হ'স্ মা, সবে
 কর যেন 'সাবিত্রী-সীতা' ।

(৭)

মা !

শিথিল আলোকে ভরিয়া হৃদয়
এসেছিলি নব উষার মত ;
স্নেহ-জাগরণে জেগেছিল প্রাণ !
দুটেছিল প্রীতি কুমুম কত !

আজ তুই যাবি কোন পরদেশে,
আমাদের দিয়ে আঁধার রাত্তি ;
তাদের গগনে হইবে প্রভাত,
মোদের গগনে নিভিবে ভাতি ।

আহা, তাই হোক ; তোমার জ্যোতিতে
ছেয়ে দাও, মাগো, তাদের দেশ ;
ল'য়ে নবরবি—সিন্দুরের ফোঁটা,
রেখোনা তাদের আঁধার লেশ ।

লক্ষ্মী মা আমার, তাহাদের ঘরে
হইও অচলা লক্ষ্মীর মত ;
এদেশের নারী সাবিত্রী ও সীতা,
স্বামী সেবা চিরজীবন ব্রত !

বিশ্রাম ।

সে গৃহে সম্পদ উঠুক উছলি—
আনন্দ উৎসব থাকুক জাগি ;
সবে যেন বলে “এ সুখ শান্তি,
মঙ্গলময়ী বধুর লাগি ।”

পতিব্রতা হও, স্বশ্রু-আদরিণী;
সুগৃহিণী হও, সবার প্রিয় ;
চির মঙ্গল দিও তাহাদের,
স্বতিটুকু স্নধু মোদের দিও ।

মঙ্গল আশীষ শিরে ধর মাগো,
আর কিবা দিবে “গরীব কাকা”
চির স্থির হোক সীঁথির সিঁদূর,
অক্ষয় হোক হাতের শাঁখা ।

(৮)

বৎসে !

কোমল শিরীষ কুসুমের মত
ফুটেছিলি গৃহকুঞ্জে ;
ভবনের শোভা হয়েছিল কত,
সরম-সুসমা-পুঞ্জে ।
পিতার আদর-উষারবি-করে,
ছিলি অমুদিন দীপ্ত ;
মাতার সোহাগ-শিশির-শীকরে,
সুকুমার তম্বু লিপ্ত ।

দেবতার গুড আরতি হইবে,
ছিল মা তোমার পুণ্য ;
তাই আজ তোরে তুলিয়া লইবে,
বৃন্ত করিয়া শূন্য ।
কুসুম-জনম হোক্ মা সফল,
হোক্ মা পূজার সিদ্ধি ;
দেবানীষ ধারা সম অবিরল,
বরুক্ সুখ সমৃদ্ধি ।

বিশ্রাম

আমাদের কাছে প'ড়ে থাক, মাগো,
অশ্রু, বিষাদ, শ্রান্তি ;
তাদের ভবনে সাথে নিয়ে যাগো,
সম্পদ, সুখ, শান্তি ।
মধুর চরিতে তোষ গুরুজনে,
হইয়া তাঁদের বাধা ;
অনুগত জনে মধুর বচনে,
তুষিবে মা যথাসাধ্য ।

ক্ৰবা হও পতি-কুলে ;—অবিরল
বশঃ হোক অকলঙ্ক ;
সিন্দূর হোক চির-উজ্জল,
অক্ষয় হোক শঙ্খ ।

(৯)

যে মহাশক্তির বলে
এ নিখিল বিশ্বের সৃজন,
এ পৃথিবী কেন্দ্র পানে
প্রতি অণু করে আকর্ষণ ;

যে মহাশক্তির বলে
জ্যোতির্ময়—রবি, শশী, তারা,
সাধিছে আপন কাজ
নাহি হয় নিজ লক্ষ্যহারা ;

যে মহাশক্তির বলে
চুম্বক লৌহেরে সদা টানে,
পর্বত শিখর হ'তে
স্রোতস্বিনী ধায় সিন্ধু পানে ;

সেই মহা আকর্ষণে
বিধাতার অলঙ্ঘ্য বিধানে,
অজানিত ছুটি প্রাণ
ছুটিছে একটি অন্ত পানে ।

বিশ্রাম ।

যাঁর প্রেমে চলিতেছে
স্বশৃঙ্খলে এ বিশ্বের কাজ,
যাঁর প্রেমে ছয় ঋতু
ঘুরে ঘুরে পরে নব সাজ ;

যাঁর প্রেম-বিন্দু পেয়ে
ধেনু সদা বৎস পানে ধায়,
জাহ্নবী জগত তরে
শতধারে ধীরে বহি যায় ;

যাঁহার প্রেমের বিন্দু
কণামাত্র জননী লভিয়া,
পীযুষ ভাণ্ডার বহে
সমতনে বক্ষেতে পুরিয়া,

যাঁর প্রেম স্পর্শ মাত্র
সতী ধায় পতির চরণে,
সে প্রেমের ছায়াস্পর্শে
এক প্রাণ ছুটে অগ্নি পানে ।

বৎস !

নূতন রাজ্যের প্রথম দ্বারে
আঘাত করিছ আজি,
নব নব ভাব অন্তরে পুষিয়ে
নূতন ভূষণে সাজি ।

যাহার প্রসাদে চলিছ আনন্দে
বন্ধুর সাধনা-পথে,
করমক্ষেত্রে সিদ্ধিদাতার
পদধূলি লও মাথে ।

অমলা অনিন্দ্য সরলা বালিকা
সর্বস্ব বিকায় পদে,
ভীষণ পরীক্ষা সমুখে যাইতে
সুখেতে জীবন নদে ।

মোমের পুতলি বালিকা-রতন ;—
সুকৌশলে গড় তা'তে,
আদর্শ একটি বঙ্গীয়া রমণী—
সুগৃহিণী হয় যাতে ।

বিশ্রাম।

সম্পদে, বিপদে, সুখে, দুখে হেন
ছুটি না পাইবে আর,
ইহ পরকালে জীবনে মরণে
তুমি মাত্র লক্ষ্য যার।

অগ্নি, গুরু, পিতা, দেবতা, ব্রাহ্মণ,
সাক্ষী করি পেলো যারে-
স্নেহ, দয়া, প্রীতি, ধরম, সুনীতি
শিখাও যতনে তারে।

চেয়ে দেখ মাগো সমুখে তোমার
জীবন-প্রভাত রবি,
জীবনে জীবনে মরণে মরণে
তব প্রেম চারু ছবি।

এত কাল যেথা যে ভাবেতে ছিলে
মুছে ফেল আঁখি জলে,
নারীর ধরম করিতে সাধন
ধীর মনে এস চ'লে।

নারীর ধৰ্ম নহে ত কেবল
আপনা লইয়ে থাকা,
বিলাসের ডালি মাথায় লইয়ে
মলিনতা পাঁকে ঢাকা ।

নারীর ধৰ্ম আপনা বিকায়ে—
স্বার্থে দিবে বলিদান,
নারীর জীবন—সংসারে তুল্য—
বিধাতার শ্রেষ্ঠ দান ।

১৫২২২

বিশ্রাম ।

(১০)

যাহার কটাক্ষে এই বিশ্বের উৎপত্তি, স্থিতি
যাহার ইঙ্গিত-মাত্র নিমেষে সংহার ;
যে না হ'লে, এক পল চলেনা সংসার, সখা,
তারে বাদ দিয়ে মোরা করি এ সংসার ;
যে দিল সকল সুখ, সকল সম্পদ, শান্তি,
পিপাসার দিল জল, নিশ্বাসের বায়ু,
মনে দিল প্রেম, ভক্তি, সন্নিবেক, মেহ, দয়া,
দেহে দিল অস্থি, চন্দ্র, মাংস, মজ্জা, স্নায়ু ;

শারীর-মানস-শক্তি, সকলের দুলে সেই,
সর্ব-শক্তিমান্ এক পরম পুরুষ ;
সেই মূলাধারে ত্যজি', খেলি ধূলো মাটি নিয়ে,
তড়ুল ত্যজিয়া মোরা বরে লই তুষ ।
মুখে বলি “আছে সেই” ; মনে মনে সে কথাটি
বিশ্বাস প্রকৃত পক্ষে করিয়া নিশ্চয়,
প্রকৃত বিশ্বাসী হ'লে, তাহার জীবন, সখা,
হ'তে পারে কিগো এত দুঃখতাপময় ?

সে দেয় দুইটি প্রাণ পবিত্র বন্ধনে বাঁধি,
শক্তি-যোগে হবে ব'লে জগতের কাজ ;
সে মিলিতশক্তি ল'য়ে, আমরা বিলাসে মজি,
সে শক্তির অপব্যয়ে নাহি বাসি লাজ ।
ধর্ম-সাধনের পথে সহায় ও শিশু-শক্তি,
বিলাস-পুতলী নহে, নহে ক্রীড়নক ;
কখনো তাদের বক্ষে স্নিগ্ধ-মাতৃস্নেহ-ধারা,
সম্মুখে আঘাত দিলে, জলন্ত পাবক !

বিশাল-প্রতাপ-শালী, মৃত্যু-ভয়-বিরহিত ;
প্রকাণ্ড জাতীয়ে ওরা নিজহাতে গড়ে ;
দৃষ্টান্ত স্পার্টান মাতা, রাজপুতসীমন্তিনী,
অঙ্গুলি ইন্দ্রিতে যারা প্রাণ দিত জড়ে
প্রবল বিশ্বাস ল'য়ে, মাথায় করিয়া ব'বে
ঈশ্বর প্রেরিত যত শোক-দুঃখ-তাপ ;
দাড়াবে হিমাব্রিতা, তেজোগর্ব-বিমণ্ডিতা,
পদাঘাতে চূর্ণ করি' দেষ, হিংসা, পাপ ।

সেই শিক্ষা দিও, সখা ; ভারতের এ দুর্দিনে,
ঘরে ঘরে দেখি যেন জনা, সরোজিনী ;
জ্যাকেট, সেমিজ, মোজা পরিয়া পুতুল সেজে,
না দাঁড়ায়, স্বাস্থ্যহীনা, ক্ষীণা, বিলাসিনী ।

বিশ্রাম।

দৌহার জীবনে, সখা, ফলে যেন পূর্ণরূপে,

এ আনন্দ-মিলনের সুমঙ্গল ফল,

“আদর্শ দম্পতি” ব’লে, রটে যেন ভূমণ্ডলে,

দৌহার সুযশোগীতিধারা, অবিরল !

*

*

*

*

*

আনন্দ-উচ্ছ্বাস-হীন, এ অভিনন্দন, সখা,

উৎসবের দিনে শুষ্ক চাণক্যের নীতি,

নাহি নৃত্য, নাহি গান, দাম্পত্য প্রেমের তান,

গম্ভীর এ উপদেশ,—কেমন কুরীতি ?

হে পবিত্র-তীর্থ-যাত্রি ! সন্তোষে বা অসন্তোষে,

লহ তুলি’ এ নীরস শুষ্ক উপহার ;

পথে যবে শান্তিপদে, ক্লান্ত দেহে, বসে র’বে,

তখন পড়িয়া দেখো, পাবে উপকার।

(১১)

আনন্দের দিনে আজ, নীতিকথা ভাল নাহি লাগে,
 উদ্দাম উল্লাসে মুগ্ধ প্রাণ,
 সঙ্গাতেশবস্ত্রের বেই, সে কি কভু তর্ক যুক্তি মাগে,
 সে কি বুঝে বাদার্থ-বিধান ?
 স্তম্ভুর কাব্যানন্দী, গণিত, বিজ্ঞান, নাহি চায়,
 যুগ করে শুষ্ক উপদেশ ;
 ভাগ্যকোর নীতি শ্লোক, শ্রবণে কঠোর শোনা যায়,
 আজি তাহে নাহি রসলেশ ।

তথাপি, কুশল প্রার্থী, হিত কথা কহিবে যাচিয়া,
 না দেখিবে তব প্রীতি, রোব ;
 এ অভিনন্দন-নানা গাঁথিয়াছি—শুষ্ক ফুল দিয়া,
 গুণগ্রাহি ! না দেখিও দোষ,
 আশু-ক্লেশকর বাক্য, তিত্ত-স্বাদ ভেষজের মত,
 হিত সাধে আপনার গুণে ;
 বোগীর বিরাগ দেখি, বৈষ্ণব কভু না হয় বিরত,
 ক্রমের আপত্তি নাহি শুনে ।

বিশ্রাম।

ত্রিকালক্র-জিতেন্দ্রিয়-ঋষি-প্রবর্তিত পরিণয়,
সে যে, সখা, আদর্শ মিলন ;
নাহি তাহে কাম গন্ধ, বিলাসের সোপান সে নয়,
তার মূলে ধর্মের সাধন ।
সাবল্য-শিশির-স্নিগ্ধ সুপবিত্র কুসুমের মত,
করিতেছে সুরভি বিস্তার ;
এ কুসুমে দেব পূজা সর্বশাস্ত্র-বিধান সম্মত,
রচিওনা বিলাসের-হার ।

পরিণয় 'যোগ' মাত্র, নানবের মুক্তির সাধক,
মুক্তি, মহামিলনের নাম,
সাধন-সহায় ঐ শিঙ-হিরা, নহে ক্রীড়নক,
ভুলে যাও দৈহিকতা, কাম ।
এ শুভ উৎসব অন্তে, শিক্ষাতার লহ করে তুলি,
শক্তিরূপিনীকে শক্তি দাও :
ছাফেকট, সেমিজ দিয়া গড়িওনা বিলাস পুতলী,
অলঙ্কার-প্রিয়তা তুলাও !

পতিব্রত্যা-পরসেবা-স্নেহ-দয়া-প্রীতি-উপাদানে,
ক'রে তোল হৃদয় সুন্দর :
শিখাও সম্মম রক্ষা, তেজঃ পূজ হোক অসম্মানে,
স্নিগ্ধ জ্যোতিঃ হউক প্রথর ।

উজ্জল মহিমাযিতা, দাঁড়াইবে জুগতের মাঝে,
বিমিশ্রিত-করণা-প্রতাপ ;
ধন্যের গৌরব ছটা হেরি,' তূর্ণ পালাইবে লাজে,
অবিচার, বঞ্চনা, সন্যাস ।

দীর্ঘ বিহীন, শুষ্ক নীরস, এ প্রীতি উপহার,
নাহি এতে আনন্দ-উচ্ছ্বাস ;
প্রাণি বন্ধর দান,—হ'তে পারে পথে উপকার,
লীর্ণযাত্রি । বাথিও বিশ্বাস ।

(১২)

আর না, ঘরের লক্ষ্মি ! আপনার ঘরে,—
শোভাসুখমায় ভরি,
ভবন উজ্জল করি,—
নয়নে আনু মা শান্তি, বরাভয় করে ।
তৃপদৈত্ত্য করি দর,
ধন ধাত্তে ভরপুর,
কর মা, নূতন মঞ্চ, এ শুভবাসরে ;
মূর্ত্তিমতী পবিত্রতা,
সতী, লক্ষ্মী, পতিব্রতা,
অনন্দের হাদি যেন নক্ষল ভিতরে,
আর না, ঘরের লক্ষ্মি ! আপনার ঘরে :

না ছেড়ে এসেছ ব'লে, মা তুমি কেঁদনা
সোহাগ যতন দিয়া,
পুরে দিব শিশুহিলা,
মুছাব, মা, তোর অশ্রু, ঘুচাব বেদনা ;
তোর বাড়ী তোর ঘর,
কেহ না রহিবে পর,
মায়ের অভাব কিছু বুঝিতে দেব না ।

আশীর্বাদ ধর শুভা,
পতিকূলে হও ক্রবা,
হৃদয়শীলা হ'য়ে প্রাণে জাগাও চেতনা,—
মা ছেড়ে এসেছ ব'লে মা তুমি কেন্দনা ।

জননার আশীর্বাদ লহ পাতি শির,
কাজা সিন্দূর মাগো হোক চিরস্থির ।

(১৩)

বৌদিদি.

বিয়ে ক'রে দাদা আনিবে তোমারে,
মোরা আছি পথ চেয়ে ;
কত ভাবিতেছি, কেমন বা হয়,
আর এক বাড়ীর মেয়ে ;

মুখ বা কেমন, রং কি রকম,
চাহনি কেমন তার,—
কান কত বড়, ঠোঁট লাল কি না,
দীর্ঘ কি না কেশ-ভার ;

হাসি-খুসী, কিবা গম্ভীর প্রকৃতি,
বচনে বিষ কি মধু ;
দাদার মনের মত হয় কি না
আগন্তুক নববধু ;

তোরে দেখে, বউ, ঘুচেছে সন্দ,
আলো করেছিস্ গেহ,
স্বভাব, শরীর, সকলি সুন্দর,
সুসঙ্গ-ভরা দেহ ;—

তোরে পেয়ে আজ আনন্দ ধরে না

হৃথ তাপ কিছু নাইরে,

শুভদিনে লহ প্রীতি উপহার—

কি আছে, কি দিব ভাইরে

বিশ্রাম ।

(১৪)

মায় গো লক্ষ্মী আনন্দরূপিনি !

অচলা হইয়া থাক্, মা,

এ গৃহের যত দুঃখ দৈন্ত

সব দূর হ'য়ে যাক্ মা,

আয় বরে আয় নয়ন পুতলি,

এ গেছে সম্পদ উঠুক উছলি,

শিশু হৃদয়ের সরল হরষে

দুঃখ বিষাদ ঢাক্, মা ;

সীথির সিন্দুর হাতের শঙ্খ,

—চির অলঙ্কৃত করুক অঙ্গ,

ঐ প্রীতি-অরুণ উদয়ে

দুঃখ-তিমির-রাতি পোছাক্, মা ।

(১৫)

সখা !

তোমার বিয়ে, সবাই বলে শুনি,

ভেবে দেখলে সোজা ব্যাপার সেকি ?

তুমি ভাবছ ভারি মজা ? কিন্তু,

সুখী হয় না স্বর্গে গেলেও ঢেঁকি ।

মনে হচ্ছে, এ এক নূতন জীবন,

এর আনন্দন ক'রে দেখা যাক্ত' ;

হয় তো তুমি পরম বৈষ্ণব নিজে,

উনি হচ্ছেন প্রথম থেকেই শাক্ত ।

প্রথম প্রথম যখন ওঁ'রা আসেন,

কচি খুকী, বোঝেন না ত কিছুই ;

কেবল ব'সে গুম্বে গুম্বে কাঁদেন,

ঘোমটা-ঢাকা মাথা ক'রে নীচুই ।

বুদ্ধি হ'লে এম্নি দে'বে বসেন,

এম্নি নিজের সংসার ব'লে টান্টি,

বরাহুত কোনও বন্ধু এলে,

চারটি খিলি করেন, চিরে পান্টি ।

বিশ্রাম ।

নিজের জিনিস বাক্সে তোলেন বেঁধে.

এমনি ক'রে বজ্র-অঁটুনিতে,

দেহক্ষয়ে সঙ্গে নেবেন সে সব —

এমনি গল্প করেন, পাই গুনিতে ।

সোনাদানা, সাড়ী, জ্যাকেট, সেমিজ,

প্রয়োজনের অতিরিক্ত ছ'খান,

বিপদ প'ড়লে পাছে চেয়ে বসি,

সেই ভয়ে, সব মোদের কাছে লুকান ।

তার পর যখন সন্তান-আদির হলায়,

সংসারটি বেশ জাঁকিয়ে ওঠে ভাই রে.

হুন আনতে চুণের পয়সা হয় না,

(তবু) খোকার মোজা, খুকীর গাউন চাইরে

বদি ব'লে, “চুরী ক'র্ব নাকি ?

না দেখালেই নয় কি মিথো জাঁকটি ?”

অমনি চক্ষে মন্দাকিনী ঝরবে,

সিকের উপর উঠবে সরল নাকটি !

ছনিয়াতে—কোথায় যে কি হ'চ্ছে,

তোমার, কি ওঁর জানবার হবেনা সময় ;

তোমার অভাব, তুমি খাচ্ছ খাবি ;

ওঁর সূচিবাই, উনি খাচ্ছেন গোময় !

অতঃপরে মেয়ের বিয়ের না'গাড়,

মিটবে না ভাই, ব'লে রাখছি আগেই ;

বাবরে' শুনে তারি খুসী হ'চ্ছ,

(কিন্তু) কান্দাল-বাকা বাসি হ'লে লাগেই

আবার) ঠেকতে ঠেকতে দেহতরী যদি

পৌছায় এসে বান্ধকের বন্দরে,

মধুর বাণী কতই শুনতে পাবে,

মনে প'ড়বে বিয়ের আনন্দ রে !

কত রকম ব্যাপার যে আর আছে,

দেই যদি তার পুরো একটা লিষ্টি

হয় তো তুমি যষ্টি নিয়ে তাড়বে,

উনি তুলবেন সংমার্জনী মিষ্টি ।

কিন্তু একটা কথা যদি না কই,

অসম্পূর্ণ হয় বে প্রবন্ধটা ;

আমিও নই চিরকুমার, তাইতো .

বেশ বুঝেছি বিবাহের মন্দটা ।

প্রশ্ন হ'চ্ছে, 'এমন কেন হ'ল ?'

আমি বলি, মূলে শিক্ষার অভাব ;

বিয়ের আগে কি শেখে ঐ শিশু ?

বিয়ের পরেও বাণীর চাকরী জবাব ।

বিশ্রাম।

ওদের একটু বয়স হ'তে থাকলে,

আমরা শুরু করি সোহাগ, যত্ন :

জ্ঞানের চচ্চা চুলোয় গিয়ে, শেষে,

কোলে করেন পুত্রকন্যারত্ন ।

ত' এক থানা প্রেমের পত্র লেখেন,

'কি' লিখতে, মেন 'ক'য়ে দীর্ঘ 'ঈ'কার ;

হিসেব লেখেন,—ঠিক নামাবার বেলা---

মিশ্র যোগটা জানি,—করেন স্বীকার ।

ভাল ভাল বই যদি ভাই, পড়াই,

উপদেশ দি', ভাল ভাবে চ'লতে,

ওদের মন যে থাকেনা সংকীর্ণ,

প্রশস্ত হয়,—সে কথা কি ব'লতে ?

ভাইতে ব'লছি বিয়ে ক'চ্ছ, কর,

কিন্তু ভাইরে, শিথিয়ে পড়িয়ে নিয়ো :

ওদের মদ্যেও ভাল মাথা আছে,

জ্ঞানের চচ্চার সুখটি ওদের দিয়ে ।

তোমরা ভাবছ, বিয়ের দিনে দিচ্ছি,

কেমন ধারা বিয়ের উপহার !

আমি ভাবছি, এ এক বকম হ'ল,

তেতো হলেও, হবে উপকার ।

বিশ্রাম ।

বৌদিদি এই উপহারটি প'ড়ে,

থাওয়াবেন যে রেঁধে কস্মিন্কাতে

তোমার বাড়ী পাত্ব কভু পাতা,

সে সূদিন আর হবেনা কপালে ।


সকল বৃন্দের আধকারী হরো,

মধুর আদি, শান্ত, সখা, নাত্ত ;

নিরস গন্ধ গুটিরে নিরে চল্লান,

মনের সুখে তোমরা কর চাহ

সমাপ্ত



৩রজনীকান্ত সেন রচিত ।

| | | | | |
|------------|-----|-----|------------|-----|
| বাণী | ... | ... | মূল্য ৥৮/০ | আনা |
| কল্যাণী | .. | ... | মূল্য ৥০ | আনা |
| অভয়া | ... | ... | মূল্য ৥০ | আনা |
| আনন্দময়ী | ... | ... | মূল্য ৥৮/০ | আনা |
| অমৃত | ... | ... | মূল্য ৥০ | আনা |
| সদ্যবকুসুম | ... | ... | মূল্য ৥০ | আনা |

— — — — —

প্রবাসী—‘অমৃত’ অমৃত । অষ্টপদী কবিতায় নীতিকথা-
গুলি সরল রূপকের সোণালি-ইন্দ্রজালে ঢাকা পড়িয়া
প্রাণের রাজ্যে একটি অপূর্ণ ভাবরসের মায়া বিস্তার
করে । এক একটি কবিতা ভাবের মহত্বে বহু
বিশেষ ।

ভারতী—ইহার কবিতাগুলি প্রকৃতই অমৃতের স্রাব মধুর,
উপাদেয় । নিদারুণ রোগ শয্যায় শায়িত হইয়া কবি
এগুলি রচনা করিয়াছেন, তাই বৃষ্টি সংসার নির্লিপ্ত
নির্বিকার কবিত্ব মহিমায় ইহা এমন সমুজ্জল ।

নব্যভারত—এরূপ স্বদেশানুরাগপূর্ণ এরূপ সুধাধারা আর
কোথাও দেখা যায় নাট । সত্যাবশতকের পর এরূপ
অমৃতধারা এ দেশে আর প্রবাহিত হয় নাই । ঘরে
ঘরে এই ক্ষুদ্র গ্রন্থখানি রক্ষিত হউক, মুমূর্ষু গ্রন্থকার

দেখিয়া বাইতে সমর্থ হউন যে এদেশে গুণের আদর
নিৰ্ধাপিত হয় না।

সুপ্রভাত—অমৃত প্রকৃতই অমৃতধারা বর্ষণ করিতেছে।
কবিতাগুলি সব হীরার টুকরা। প্রত্যেকটি মহৎ ভাব
পূর্ণ অমূল্য শিক্ষা প্রদান করিতেছে।

উপাসনা—পুস্তকের অমৃত নাম সার্থক হইয়াছে। ইহা
বাস্তবিকই অমৃতের কণা—এমন সুস্বাদু, এমন সুখ
সেব্য, এমন জনহিতকর।

বসুমতী—অদূর ভবিষ্যতে ইহার অনেকগুলি কবিতা
'প্রবচনে' পরিণত হইবে। সে বিষয়ে সন্দেহ করিবার
কারণ নাই। 'অমৃত' যদি বাঙ্গালার গৃহে গৃহে গৃহ-
পঞ্জিকার আয় বিবাজ না করে, তাহা হইলে বলিব
সে দুর্ভাগ্য কবির নহে, সে শোচনীয় দুর্ভাগ্য বাঙ্গালীর।

হিতবাদী—রজনীকান্ত শীর্ণদেহে দীর্ঘমনে যে অমৃতের ধারা
প্রচার করিয়াছেন, তাহা যে সত্যসত্যই অমৃত, তাহা কি
পাঠকগণকে খুলিয়া বলিতে হইবে? তাহা প্রাজ্ঞ,
নীতিসিদ্ধান্তগুলি চিরপরিচিত, ছন্দোবদ্ধ অতি সোজা,
অথচ লেখার ভঙ্গী সুমধুর, মনে হয় সাধ করিয়া এমন
পদ্ম পুস্তক পুত্রকন্ঠার হাতে দেই।

বঙ্গবাসী—কবিতাগুলি বড় মিষ্ট। আজকাল ছাত্রদিগের
যে সব পড়পাঠ আছে, তাহার আলোচনা করিলে
বলিতে হয়, অমৃত স্কুল পাঠ্য হওয়া উচিত।

সঞ্জীবনী—লেখক এই কাব্যকণিকার মধ্য দিয়াও তাঁহার
অসামান্য কবিপ্রতিভা পরিস্ফুটিত করিয়াছেন।

Bengalee—The book contains 40 lessons, every lesson containing the priceless jewel of a moral maxim.

Indian Daily News—Each piece inculcates moral lessons in the simplest possible language and with homely illustrations.

Statesman—Every piece has its charm.

‘আনন্দময়ী’ সম্বন্ধে অভিযন্তা ।

Bengalee—This is a posthumous publication of a collection of lyrical poems composed by poet Rajani Kanta Sen while in the Medical College Hospital. The subject is *Agomoni* and *Bijoya* and the songs relate to the various stages connected with Mohamaya's exodus to her father's house, her tri-diurnal stay there and finally, her departure for Kailas. They are descriptive of the places and the scenes, as well as the metaphysical phenomena prevailing at the different periods of the epoch. This work reminds us of some mediaeval productions on the subject as also the songs of Dasharathi and other poets of the modern age. A careful comparison enables us to hold that poet Rajani Kanta's songs favourably compare with the best of them. In thought and pathos, in elegance of style and flow of language, in sweetness of rhythm and music, they are such as (will) (rank) as the brightest (gems) in Bengali lyrical literature. Poet Rajani Kanta's exterior always betrayed a materialistic look articulate with wit and humour and none but those who had the pleasure of knowing him familiarly could know of the under-current of deep devotion that flew in the inmost core of his heart. The present songs lay it bare and present a photograph of the depths of his religious thought. The Durga Pujah, more than any other occasion is the time when the devout Hindu feels with the poet and,

we are sure, these songs echo his sentiments, stage by stage, when sung or read out by or to him. "Kanta" will elate the Hindu mother with Rani Menoka by his songs on Agomoni and will draw profuse tears from her eyes through the Bijoya songs. The book is priced at annas six. It is nicely got up. The book will commend itself to every Hindu on the occasion of the Puja.

বজ্রবাসী—আনন্দময়ী । স্বর্গীয় কবি রজনীকান্ত সেন প্রণীত । কলিকাতা ২৮১নং কর্ণওয়ালিস ষ্ট্রীটে ইন্টারন্যাশনাল পাবলিসিং কোম্পানীর শ্রীযুক্ত উপেন্দ্রনাথ ভট্টাচার্য্য কর্তৃক প্রকাশিত । মূল্য ছয় আনা । আগমনী উপলক্ষে কবির রোগশয্যায় আনন্দময়ী রচিত । এ গ্রন্থ কবিত্বভাবে পূর্ণ ।

Krishna's book & stationery

৩০০০ কান্ত সেন প্রণীত

নবপ্রকাশিত গ্রন্থাবলী ।

অভিনয় ।—‘বাণী’ ও ‘কল্যাণীর’ গ্রাম তত্ত্ব ও হাত্তরসের গীতিকাব্য
এণ্টিক কাগজে, উৎকৃষ্ট অক্ষরে, সুদৃশ্য ছাপা । মূল্য আট আনা ।

আশঙ্কমহলী ।—‘আগমনী’ ও ‘বিজয়া’ বিষয়ক চিত্রকরণ
গীতিকাব্য । মূল্য ছয় আনা ।

অমৃত ।—সর্বজন প্রশংসিত সুদ্র নীতি কাব্য, তৃতীয় সংস্করণ
মূল্য চারি আনা ।

সত্যাবকুসুম ।—নীতিপূর্ণ সুন্দর কবিতা পুস্তক । ইহাই
কবিরের সর্বশেষ গ্রন্থ । প্রথম সংস্করণ মূল্য চারি আনা মাত্র ।

এস, কে, নাহিড়ী এণ্ড কোং

৫৬ নং কলেজ ষ্ট্রীট, কলিকাতা ।

